

LEFATŠE LE

BOETSE LEA KAMŌHA



Amen. Morena a le hlohonolofatse. Le ka lula fatše. Ho utloahetse ho le monate ho kena bosiuung bona le ho le utloa le rorisa Morena, le ho khutlela hae hape ho bona motho e mong le e mong. Esale ke shebeletse sena ho tloha letsatsing la Teboho la ho qetela ha ke ne ke le mona, ho khutlela tabernakeleng ea ka hape. [Phutheho e re, “Amen.”—Mohl.] Ha ke tsebe moo a ileng teng. Ke enoa mona. Ke ipotsa feela haeba a ne a tla re “amen” ho seo, u a tseba. [Moena Moore o re, “Amen.”] Ho lula ho le monate ho ba mona. 'Me ke ile ka shebella, joalokaha ke boletse, ho tloha ka letsatsi la Teboho ea ho qetela.

² Re sa tsoa tloha New York City, moo re bileng le letšolo le babatsehang. Morena o ile a re hlohonolofatsa mono ka tsela e hlolang. 'Me re ne re le Oditoriamong ea Morris, 'me matšoele a ne a hatellane, le holimo-le-tlase literateng. 'Me ba ne ba ema kantle mono, ba letile. Haeba—haeba e mong a kena, motho ea emeng haufi feela, le a tseba, 'me a nahane, be, ntho e 'ngoe; batho ba bang, le a tseba, ba ea kerekeng, 'me ntho ea pele, ha ntho e boleloa, ba sa e rateng, ba tla ema 'me ba tsoe. 'Me ba ne ba le kantle mono ba vouta, ke mang ea tla fumana setulo seo ha ba tsoa. 'Me ka feta bosiu bo bong le bo bong, e batla e le bohole ba boloko ba motse, 'me ba ne ba tla hatellana holimo-le-tlase literateng. 'Me Morena o ile a re hlohonolofatsa 'me a re fa meea, 'me lipholiso tse ngata tse kholo tsa etsoa.

³ 'Me hape borakefeseng ba Borakhoebo, re bile le nako e monate, ra rekisa litekete tsa bona tsohle. 'Me—'me ke hopola hore ba ile ba lumella makholo ho kena, a neng a sena litekete. Eaba ba tlatsa liphaseje, le ho hohle holong le menyako, le joalo-joalo. 'Me re bile le nako e monate feela. Moprasta oa Episcopalian le ntho e 'ngoe le e 'ngoe mono, 'me Morena a re hlohonolofatsa haholo.

⁴ 'Me ra emisa hae, lehae la ka le leng, Jeffersonville. Ehlile, joale ke lula Tucson, Arizona, joaloka ha le tseba, lilemong tse peli tse fetileng.

⁵ 'Me joale ke tseleng e khutlelang Tucson joale, borakefeseng ba Borakhoebo vekeng e tlang mane Phoenix. Mono, hang feela kamora ka pele selemong, re qala letšolo mono, matsatsi a 'maloa pele ho Machaba a Borakhoebo, kea lumela, kapa kopano ea machaba mane—mane Ramada Inn.

⁶ 'Me ho monate haholo ho ba mona—mona motseng ona o motle oa Shreveport, bosiuung bona.

7 Joale, hangata ke bua lolololo. Empa ke tla leka kahohle ho e theola, lihora tse tharo kapa tse 'ne, leha ho le joalo, ho sena le fihlela nako ena. 'Me kea tseba hore kea le khathatsa feela, empa, le a bona, ha ke le bone khafetsa. 'Me ba bangata ba ea Hae pele ho ke . . . ho ea Hae Khanyeng pele ke fihla ho le bona hape, 'me kea nahana, "Be, ena e tla ba puisano ea rona ea ho qetela ea lefatšeng hammoho pele le fofa le tloha." 'Me ba bangata ba se ba ile, ntle le pelaelo, ho tloha nakong ena selemong se fetileng. 'Me mohlomong, ha Morena a lieha, 'me re khutla hape selemong se tlang kapa ka nako e 'ngoe, ho tla ba le ba bang, mona bosiuong bona, mohlomong le 'na. Ha re tsebe mohla re tla bitsoa. 'Me, le a tseba, Morena Jesu a ka tla le pele litšebeletso tsena li koaloa bosiuong bona.

8 Joale, joaloka ha le ntseba, ha ke kheleke, ha ke sebui. Ke—ke rata Morena feela 'me ke etsetsa khanya ea Hae seo nka se khonang. 'Me ha ke ema mona kalaneng ena, le ho tseba monna ea kang Moena Moore le banna ba bangata ba baholo ba kile ba ema kalaneng ena, e etsa hore ke ikutloe e ka—eka . . . hase ho tsoa malulong, ha ke bolele seo. Empa, ke bolela, sebōpeho-puo sa ka le lintho, ekare, hola batho ba ne ba sa nthate hantle, ba ne ba tla ema 'me ba tsoe ha ke fihla sefaleng. Kahoo ba mpa ba 'mamella, 'me kea leboha ka hona. Joale . . .

9 Empa kamehla ke tla ka sena—ka sepheo sena. Ha ke tle mona ho tla bonoa feela; haeba ke entse, ka le etela malapeng a lona, le a bona. Ke tlile mona ho etsetsa Morena Jesu Krete seo naka se khonang, ke sa le mona. Ha ke mona morero o mong haese ho Mo sebeletsa, le ka bokhabane boo ke bo tsebang, le ho le tlisetša Lentsoe joalokaha ke Le neiloe, ho rapella bakuli ba lona le ba mahlomoleng. Joale, re tla fumana bosiu, kapa a mabeli, 'na le Moena Moore re tla kopana, re tla rapella bakuli.

10 Joale, bosiu bo bong le bo bong, re batla motho e mong le e mong eo e seng Mokreste, ke tšepa ho tla boleloa kapa ho etsoe ho itseng, u tle u be Mokreste. 'Me haeba u se joalo, haeba u se u lumetse ho Morena Jesu Krete, le ho Mo amohela le ho kolobetsoa, 'me u eso fumane Moea o Halalalang le joale, se lumelle sena ho feta. Ere bona e be bosiu ba hau. Hobane, hopola, ho tla ba le mabitso a lekanntsoeng feela Bukeng eo. 'Me mohla lebitso la ho qetela le eketsoang, ke phetho. 'Me la hau le ka E phethela.

11 Eareha Konyana e fihla 'me e nka Buka letsohong le letona la Ea lutseng Teroneng, eo e ne e le Buka ea Topollo. 'Me mabitso ao a ngotsoe mono pele lefatše le theoa. Mohla lebitso leo la ho qetela le neng le bitsoa, Buka, leano, tsohle tsa senoloa mehleng eo, Litiiso tse Supileng tsa manolloa ke Konyana. Liphiri tsa Bible eohle li ne li patiloe ka Mono. Hola re e-na le nako, nka rata ho . . .

12 Ke sa tsoa qeta ka Litiiso tseo tse Supileng, haufinyane

tjena. Nka rata ho haola ho tsona hape. 'Me kamoo Morena a re hlohonolofalitseng kateng! Bongata ba lona le utloile ka eona, le ho bala makasineng oa *Life*, le lintho, lintho tse etsahetseng nakong eo. Mohla, ba neng ba katlatsa setšoantšo, esitile, sa Mangeloi a supileng, joaloka ha ho ne ho boletsoe pele re se ea Bophirim. 'Me O mpoletse, likhoeli tse tharo pele ho moo, moo e tla ba teng le kamoo ke tla beng ke eme, 'me e ne e le eo! 'Me e —'me lik'hamera, oh, makholo a limaele, tsa katlatsa setšoantšo sa Eona hantle mono, hantle feela. E ile ea boleloa hantle esale pele! 'Me haeba nkile ka rera ntho efe feela e bululetsoeng, bophelong ba ka, ke *Litiiso tse Supileng*. 'Me ka hona ke tseba moo re le teng nakong ea qetelo.

¹³ 'Me lebitso la ho qetela le kena Bukeng eo, kapa, lebitso la ho qetela le lopolotsoeng, le kileng la ngoloa Bukeng eo, ho felile ke phetho, O tlela ho tseka seo A se lopolotseng. 'Me ekaba nako e makatsang. Na le kile la nahana: batho ba tla tsoepele ba ntse ba rera, kereke e tla tsoelapele hantle e nahana hore e pholosa batho. E se e le morao haholo, ho felile, le a bona, 'me Molaetsa o tla ea ho ba lahlehileng ka botlalo; joaloka mehlang ea NoHe, matsatsi a supileng ka har'a areka. E etsahetse matsatsing a Sodoma. Jesu ka Seqo, mokhahlelo oa Hae—oa Hae oa boraro oa tšebetso ea Hae, O ile ho bolella meea e neng e lahlehile ka Bosafeleng, e neng e le teronkong, e sa kang ea baka, mamellong e telele matsatsing Nohe. 'Me ha re tsebe mohla lintho tsena li ka etsahalang.

¹⁴ 'Me re mpe re lemosoe. Re se eme ka mathoko feela, ha re etseng ho hong ka eona. Haeba re sa loka ho Molimo, ha re lokiseng litaba le Molimo.

¹⁵ Khetlo le leng, kea nahana, khaolong ea 11 ea Mattheu, ke kholoa ke eona, e ka ba temana ea 6, kapa ho hong, ha ke na bonnete. Ke khaolo ea 11, ke tiile hantle. Barutuoa ba Johanne ba ne ba romiloe ke Johanne, khetlo le leng, ho bona Morena Jesu, ho 'Motsa haeba ehlile E ne e le Eena, kapa ba lokela ho shebella e mong. A re, "E-eang le bontše Johanne lintho tse etsahalang. 'Molelleng, 'Ho lehlohonolo ea sa khothjoeng ho 'Na.'"

¹⁶ 'Me eitseha ba tšela leralla, 'me mohlomong Jesu a ba shebella, A re, "Le ne le tsoile ho ea bona eng?" 'Me ba. . . Ho re, "Ana le ne le tsoile ho bona monna oa mofuta ea apereng liaparo tse boleea?" A re, "Bao va matlung a marena. Le lehlaka le tsokotsoang ke moea?" A re, "Ana le bone moporofeta?" A re, "Ke re ho lona, ke ea fetisang le moporofeta. Haeba le ka e amohela, ke eena ea boletsoeng ke moporofeta, Malakia 3, 'Me Ke tla roma lenqosa la Ka pel'a sefahleho sa Ka.'"

¹⁷ Barutuoa ba Mo botsitse potso ena khetlo le leng. Ba re, "Hore'ng bangoli ba bolela, baruti ba Lengolo, ho re, 'Eka khona Elia a tle pele lintho tsena, lintho tsena tsohle li etsahala?'" Joale hopolang, O ne a bua ho barutuoa, e seng ho Bafarisi. Barutuoa,

ba re, “Hore’ng bangoli ba boletse joalo, ‘Elia o tlameha ho tla pele?’”

¹⁸ A re, “Elia o se a tlile, ’me ba mo entse ka ho rata ha bona, athe ha le a e tseba.”

¹⁹ Ho ka thoeng ha u ka fumana ka letsatsi le leng, re se re thulane le nako ea matšoenyeho kapa ho hong, u re, “Be, ke itse Hloibilo e ne e tla fihla pele”? Le a bona? ’Me lentsoe le tla bua le u arabela, “Hloibilo e se e fetile, athe ha lea e tseba.”

²⁰ “Joalokaha ho bile mehleng ea Nohe, moo batho ba robileng meno e le ’meli ba pholositsoeng ka metsi, ho tla ba joalo le ho Tleng ha Mora motho.” Batho ba tsoela pele hantle, ba nahana feela hore ba etsa ho nepahetseng, ’me tsohle li tla be li fetile. Oho Molimo, re hauhele! Ha re, ha re hlahlobeng, hona joale masiung ana a ’maloa a latelang, ho bona moo re leng teng.

Ha re inamiseng lihlooho tsa rona hape.

²¹ Morena Jesu, lintho tsena li likelellong, le ho hlahisetsoa kereke ena, ho hlahisetsoa batho bana; Molimo, ke rapela hore U tle u pholose moea o mong le o mong o Shreveport, khetlong lena, o ngotsoeng Bukeng eo. Ha ho e-na le ba sa bolokehang mona, Ntate, ena ebe hora eo ba bolokehang ka eona. Ha ho e-na le ba bang phuthehong ena, bosiuung bona, bona ebe bosiu ba bona.

²² Hlohonolofatsa Moena Moore, Khaitsetli Moore, le malapa a bona, bana ba bona, bana ba bana ba bona. Molimo, re U leboha feela ka bona. Le Moena Lyle, Moena Brown le bohle—baena mona kerekeng, Moena Don, le sehlopha sena sa batho ba khabane, litho tsohle tse teng mona, balumeli, re U leboha feela ka bona.

²³ ’Me re a rapela, Ntate ea Leholimong, hore kopano ea rona ’moho mona letsatsi lena la Teboho. . . E ka ba letsatsi la ho qetela la Teboho leo re tla kopanang ka lona lefatšeng lena, kahoo, Molimo, a re sebeliseng monyetla ’me re baballe nako. ’Me re elelloa hore hoa—hoa phirima, ’me re batla sohle seo re ka se etsang, se leng matleng a rona, ho etsa mosebetsi oa Morena Jesu pele A fihla. Ka mokhoa o itseng, ke batla ke utloa eka O re emetse ho—ho qeta mosebetsi. Ka hona, re thuse, Morena, bosiuung bona, joaloka motho ka bomong, e mong le e mong oa rona, re tle re tsotelle ba bang, hore re tsoele literateng, kapa tikolohong, le—le ho tlisa ba lahlehileng, ba tle ba bolokehe.

²⁴ Hlohonolofatsa Lentsoe la Hau. Lentsoe la Hau ke ’Nete, Morena, ’Nete eohle. Kahoo rea rapela, hoo re sa leka ho ngoathela Bohobe bona ba Bophelo, ’Nete, ho batho, hore Moea o Halalelang o tle o tle, ka baka la ’mele o robiloeng oo mane Kalvari moo sebe se ileng sa tlameha ho o roba, ’me o tla boela A ikarola hape har’a rona, ka kopano ho pota Lentsoe. Hoba re e kopa ka Lebitso la Jesu. Amen.

²⁵ Joale, haeba le rata, ke batla hore le phetle le 'na. Bonagata ba lona le rata ho tšoaea e—e Mangolo moo moreri a balang teng, kapa moevangeli. 'Me ke batla ho bala a mang, bosiu ng bona, ho tsoa ho Deuteronomo, khaolo ea 4, ho qala ka temana ea 7 ho isa ho ea 14. Le Buka ea Baheberu, khaolo ea 14, temana ea 25 ho fihla ho ea 29, 'moho. Deuteronomo 4.

Hobane ke sechaba sefe se seholo hakalo, se nang le Molimo o hau fi le sona, joalokaha MORENA Molimo oa rona a le nthong tsohle tseo re 'mitsang tsona?

'Me ke sechaba sefe se seholo hakaale, se nang le litaelo le likahlolo tse lokileng joaloka molao ona 'ohle oo ke o beang pel'a lona kajeno?

Feela, u itlhokomele, 'me u lebele moea oa hau ka hloko, esere ua lebala lintho tseo mahlo a hau a li boneng, 'me li se ke tsa tloha pelong ea hau ka matsatsi 'ohle a ho phela ha hau: u mpe u li rute bara ba hau, le bara ba bara ba hau;

Haholo-holo letsatsing leo u ileng ua ema ka pel'a MORENA Molimo oa hau ka lona—ka lona Horebe, ha MORENA a re ho 'na, Mphuthele sechaba, 'me ke tla etsa hore se utloe mantsoe a ka, ba tla ba ithute ho ntšaba ka litshiu tsohle tseo ba phelang ka tsona lefatšeng, le hore ba tle ba rute bana ba bona.

La atamela la ema tlas'a thaba; thaba e tuka ke mollo ho isa mahareng a leholimo, le lefifi, le maru, le botenya, le lefifi.

'Me MORENA a bua le lona a le har'a mollo: la utloa lentsoe la Hae la lipolelo, empa le sa bone sebopeho; lona feela le utloile lentsoe.

A le tsebisa selekane sa hae, seo a le laetseng hore le se phethe, e leng melao e leshome; a e ngola holim'a matlapa a mabeli a lejoe.

Ka eona nako eo MORENA a ntaela hore ke le rute melao le litaelo, hore u tle le li etse naheng efe eo le eang ho e rua.

²⁶ 'Me joale Bukeng ea Baheberu, khaolong ea 14, ho qala ka temana ea 25.

Iponeleng hore le se ke la hana ea buileng. Hobane ekare ha ba sa ka ba phonyoha ba hanneng ea neng a bua lefatšeng, rona re ke ke ra phonyoha hakaakang, ha re furalla ea buang a le leholimong:

Eo lentsoe la hae le kileng la sisinya lefatše: empa joale o tšepisitse, a re, Ke sa tla boela ke sisinye, e seng lefatše feela, empa le leholimo.

'Me lentsoe lena, Hang hape...ho supa ho tlosoa ha...lintho tse sisinyehang, etsoe e le lintho tse bopiloeng, e le hore tse ke keng tsa sisinyeha li tle li sale. Mono...

Ka baka leo, re amohela 'muso o ke keng oa sisinyeha, a re beng le mohau oo ka 'ona re ka sebeletsang Molimo ka mokhoa o amohelang ka hlomphe le ka tšabo:

Etsoe Molimo oa rōna ke mollo o timetsang.

²⁷ Joale ke tšoare lintlha tse 'maloa mona, le Mangolo a mang a ngotsoeng, ke rata ho lebisa ho ona metsotso e 'maloa, ke rata ho rea sehloohoana sena se makatsang. 'Me litheipi tsena li lokile neng kapa neng ha motho a ka li batla. Mongh. Maguire mona o tla khona ho—ho le neha lintho tsena. 'Me ke batla ho nka mohlolithero, ho tsoa temeng ea sehlooho sena, ke rialo, ka mokhoa ona, *Lefatše Le Boetse Le A Kamōha*.

²⁸ Re ne re theoha maobane, kapa mantsiboea a fetileng, ho feta har'a Memphis, Tennessee, ho kena mono e batla e le mantsiboea, kapa karolo ea mantsiboea. 'Me ra batla ne re sa khone ho feta literateng, e—e bana le batho ba ne ba tletse haholo. 'Me ka nahana, "See e ka ba sefe?" E—e batho ba ne ba sa apara eka ba tsoa kopanong ea borapeli e kang ea moena oa rona ea lokileng, Billy Graham kapa Oral Roberts. 'Me ke sa kholoe ba ne ba le tikolohong eo nakong eo, le hona. 'Me basali ba apere liseleke, 'me bana ba ba potileng, ba apere liofarolo feela, le joalo-joalo, liofarolo. 'Me ka ipotsa lebaka la eona, 'me qetellong ra fumana. Ba ne ba tšoare e—e pareidi ea Santa Claus. Esale likete li shebelletse literateng, le joalo-joalo. 'Me ra thatafalloa habohloko ho feta Memphis, hobane ke ho fihla nako ea Keresemese.

²⁹ 'Me Keresemese ke letsatsi le leholo la khoebo, ebile e hlakotse letsatsi la Teboho temeng, hobane...ho—ho lefatše la khoebo, le hona; hobane e—e lefatše la khoebo le hahlameloa ke Keresemese hakaale, hobane batho ba reka ba le bangata haholo. 'Me ba mpa feela...letsatsi la Teboho nthoana e fetang feela. 'Me rea fumana, ha re bona Keresemese e atamela hape, ka hopola ekaba botle ho bua ka temana ena, ha re ntse re e atamela. Ka ho bona seo, ka 'nete, Keresemese ha se...

³⁰ Re keteka letsatsi lena la 25 Tšitoe e le letsatsi la tsoalo ea Krete, empa, ehlile, mang kapa mang oa tseba hore e ne e se letsatsi la tsoalo ea Krete. Leo e ne e le letsatsi la tsoalo la molimo oa letsatsi oa Roma, mohla kereke e ne e sokolleloa ka hare, kapa, ho kenngoa Bokatoliking, e ile ea thehoa lekhotleng la Nicaea. Sebakeng sa "molimo oa letsatsi," ba le fetola "Mora oa Molimo" letsatsi la tsoalo. E ne e le mohla, ha letsatsi, ke ho tloha ka la 20 ho fihlela ka la...Ke bolela la 21 ho isa ho la 25, e batkla e le ho...Lebitso la eona le nkha, hantle-ntle. Ke mohla e batlang e le motsotso-kapa-e-mebeli ha le feta

mokhahlelo oo. 'Me e ne e le letsatsi la tsoalo ea molimo oa letsatsi, 'me eaba ba nka feela "Mora Molimo" 'me ba le fetola letsatsi la Hae la tsoalo, ho e momahanya le meetlo ea bona ea bohetene. 'Me lekhahle, ho hang, ha se letsatsi la tsoalo ea Kreste.

³¹ O ne a ke ke a tsoaloa nakong eo, hobane Judea e batla e tšoana le—holim'a . . . holimo koana ho ek'hweita, ka mokhoa oa teng, 'me re—re fumana, mane Judea, nakong ea mariha, 25 Tšitoe, lifefo tsa lehloa li bata haholo. Balisa ba ke ke ba e-ba leralleng, 'me mabaka a mangata a ke ke a e lumella.

³² 'Me hape O hlahile ho latela tlhaho, joaloka tlhaho e 'ngoe eohle, O—O hlahile ka sehla sa Selemo. Ka tloaelo mohla likonyana li tsoaloang, sehlang sa Selemo; 'me E ne e le Konyana. Joale, kea kholoa, O hlahile, ho ka 'na, Hlakubele, 'Mesa, kapa kae-kae ka mono, mathoasong a sehla sa Selemo.

³³ Empa re ba fumana ba le fetotse letsatsi la thekiso. Batho ba hatellana literateng, 'me ba hohlana ka mahetla, le ho ngangisana ka lintho, le ho ipotsa ka ho nehela motho mpho, hore ba tla e lefella bokae.

³⁴ Letsatsi le leng, ke ne ke maketse. Nqalong eo ke neng ke eme ho eona, 'me maleiti a mabeli a ntse a qoqa ka ho hlophisetsa ntata bona letsatsi la tsoalo . . . kapa mpho ea Keresemese ea selemo sena. 'Me e mong oa bona a re, "Ke mo fumanetse kotara ea wiski." 'Me e mong a re, "Ke mo fumanetse pakete, kapa katono ea lisakerete," kapa ntho e 'ngoe e kang eo. 'Me ba ne ba re, e mong o nehela haholo bakeng sa wiski ho feta lisakrete.

³⁵ 'Me ka nahana, "Haeba oo e se mokhoa oa ho nehela e—e . . . fapanyetsana kapa ho nehela mpho sehopotsoang sa Jesu Kreste, Mora oa Molimo!" Ke ntho e bolaeang hakaakang eo!

³⁶ 'Me ke bona lefatše la rona masoabing ao le le leng ho 'ona joale, le silafalitsoe mahlakoreng 'ohle, ha ho mokhoa oa lona lefatšoeng ho khutla hape. Re mpe re ele hloko, seo re se etsang matsatsing ana. Etsoe, hona joale re lutse bofifing, ba tse ling tsa litlokotsi tse khōlō, le—le e 'ngoe ea tse kholo . . . Ha rea ka ra nahana ntho eo e tla etsahala Amerika, empa e mona leha ho le joalo. 'Me ho lahlela marapo ha rona Evangelibng, e jelo ke seboko sa nyee tse kang tseo, 'me e tla mpefala le ho feta. Ha ho pelaelo ho hang, kelellong ea ka, empa e tla 'na e mpefala le ho feta.

³⁷ Empa re fumana, Keresemeseng ena, ho theohela sehloohong, Keresemose ena e fumana lefatše le batla le sebetsa joaloka lilemong tse likete tse peli tse fetileng, mohla Jesu a neng a fihla. Ha e-so fetohe hakalo ho tloha mohlang oo. Hoba, sena, Keresemose eo e ile ea fumana lefatše le putlama, 'me ke ne ke lebeletse Messia ho thusa ho e kopanya 'moho. 'Me —'me ho batla ho le joalo kajeno, re ntse re etsa ntho e tšoanang. *Lefatshe Le Boetse Le A Kamōha.*

³⁸ Joale, moo ha se mona feela Amerika, empa ke lefatše lohle, hohle moo u eang teng; lefatše la bolumeli, lefatše la lipolotiki, ntho e 'ngoe le e 'ngoe, le—le lefatše la boitšoaro. Bona—bona, ho felile feela ka bona, ke feela. . . Boitšoaro bo har'a batho ba lokileng feela, hape, 'me ho thata haholo ho ba fumana. Ke—ke lihlong. 'Me lipolotiki le ntho e 'ngoe le e 'ngoe e bolile, ho fihlela ntho eohle e kula e le liso tse bolileng, ho tloha hloohong ho isa maotong, lefatše lohle. Tsamaiso ea rona ea lipolotiki, tsamaiso ea rona ea bolumeli, tsamaiso ea rona ea boitšoaro, ntho e 'ngoe le e 'ngoe ea rona, e felile! Feela, ha ho mokhoa oa ho e boloka hammoho. Eena, ho felile ka eena! Eona. . . Re qetellong ea tsela. Ke phetho se leng teng.

³⁹ Rona, kea tseba re buile ka eona nako e telele, empa ka le leng la matsatsi ana puo e tla be e felile, e tla ba ntho ea nalane, 'me re tla iphumana re le kantle ha re sa hlokomele nakong ena.

⁴⁰ Kea ipotsa, haeba rona Keresemose ena, ha Molimo o ka Mo romela hape joaloka ha A entse morao mono lilemo tse likete tse peli tse fetileng, holane O ka Mo romella rona ka 1964, kea ipotsa haeba re ne re sa tl'o Mo sebetsa joaloka ha ba entse mohlang oo? Ke ipotsa feela haeba ho Tla ha Hae ho ne ho tla fetisa, O ne a tla amoheloa hantle ho feta, ho—ho—lefatše la lipolotiki kapa lefatšeng la bolumeli, ho feta kamoo A entsoeng mohlang oo? Kea ipotsa haeba re le boemong bo fetisang ho Mo amohela hape, joaloka ha A entse mehleng eo? Empa rea tseba O ile a latoloa mohlang oo.

⁴¹ Re ka Mo etsa'ng ha A ka fihla? Mohlomong lefatše la bolumeli, leo ke theileng sena holim'a lona, le tla Mo sebetsa se sa le entse khetlo le leng. Ba ne ba tla Mo thakhisa holane ba ka khona, (ha ba eso fetohle), ka lona lebaka le tšoanang le la lekhetlo le leng.

⁴² Hobaneng ba e entse, na ba thakhisitse eena Eo ba mo rapeletseng ho tla lefatšeng, ho ba pholosa, ho ba ntša tšenyehong? Ba thakhisitse eona feela tšepo eo ba neng ba e na eona. Hobaneng? Hobane'ng ba e entse? Hobane, eitseha Molimo o araba thapelo ea bona, O e arabile kamoo ba neng ba sa e lebella ho arabeloa. Mohla A tlileng, ha A tla ho latela tatso ea thutamolimo ea bona.

⁴³ 'Me haeba A ka tla hape, kajeno, O ne a tla tla ka eona tsela eo; kathoko ho tatso ea lefatše kapa thutabomolimo ea likereke, le kamoo ba ka Mo nahanang kateng. Kamehla O a tla. Joaloka batho ba Molimo, ha ba kena mathateng, 'me ba rapela, ke moo Molimo o ba neang seo ba se rapellang, empa O ba neha eona ka tsela e molemo ho bona. 'Me ba E hanne, hoba Ha E tle kamoo ba e nahanang E loketse ho tla. Ba latotse Lentsoe la Molimo le tlotsitsoeng, 'me Eena ke Lentsoe.

⁴⁴ Joale, Molimo, mengoaheng eohle, ka linako tsohle, mohla A qalang, "Mohla A ne a bua Lentsoe la Hae mehleng ea khale

ka baporofeta, matsatsing ana a qetelo ka Jesu Kreste, Mora oa Hae,” re fumana se seng sa liporofeto tseo se ne se loketse mongoaha o itseng. Joaloka mohla khosi Nebukadnezare a lorang, le lefatše la Balichaba ho tloha hloohong ho isa maotong, ’me Daniele a koaholla toro eo; e ne e le—e le porofeto ho lefatše lohle, kamehlag, karolo e ’ngoe le e ’ngoe ea ’Muso oa Balichaba, kamoo o neng o tla qala hloohong ho ea maotong. ’Me kamehla baporofeta ba buile Mantsoe a lebahanang le mongoaha o mong le o mong. ’Me ha Molimo . . .

⁴⁵ Batho ba kena mathateng, ’me Molimo o a ba araba. O ba romella moporofeta ea tlotsitsoeng kapa moromuoa oa mofuta o itseng, hobane A ke ke a khutlisa Lentsoe la Hae leo A le reretseng mongoaha oo. Empa, seo A se etsang, O romela lenqosa ho etsa hore karolo ea Lentsoe leo e phelele mongoaha oo. E etsa joalo kamehla, le a bona. O bopile Lentsoe la Hae tšimolohong. O tsebile pheletso ho tloha qalong. O buile Lentsoe la Hae. ’Me mongoaha o mong le o mong, enereha ba kena mathateng, ba ne ba . . . ba ne ba rapela, ’me Molimo o ne a romella motlotsuoa. ’Me motlotsuoa eo ruri o ne a etsahatsa tšepiso eo ea mongoaha oo, e neng e baletsoe mongoaha oo, ho e phelisa. ’Me ke seo A se etsang ka nako tsohle. Molimo ha o fetole lenaneo la Hae. Joale, ha re fumane Molimo o fetoha le ka mohla.

⁴⁶ Molimo o e batalalitse khetlo le leng, kamoo A tlang ho pholosa motho, ea neng a le tšimong ea Edene, tlas’a mali a tšolotsoeng. Re lekile tsamaiso e ’ngoe le e ’ngoe, ho tloha mahlakung a feiga ho isa thutong, saekholoji, litsamaiso tsa malumeli, le joalo-joalo, ’me karolo e ’ngoe le e ’ngoe ea eona e—e latotsoe; ’me ha e-so sebetse, e ke ke ea sebetisa. Molimo o tla kopana le motho feelka tlas’a Mali a tšolotsoeng, ’me ke eona feela nqalo eo A tla kopana le eena le ka mohla, hobane eo ebile qeto ea Hae ea pele. A ke ke a kopana le motho tlas’a tsamaiso efe ea mokhoa oa boitšoaro. Le ka mohla A ke ke lekhale, ho hang lefatšeng! Khutlelang hantle feela Tseleng ea Molimo, ke seo A se boletseng pele. ’Me Ke mohlaka-pheletso, a ke ke a fetoha, ’me O a tšoana kamehla. Ke hona moo A kopanelang le motho, ’me mono feela. Lebaka leo re hlolehang ho ba le kopano kajeno, lebaka le arohanyang kereke hakana, hobane e mong le e mong ke tsamaiso e arohaneng, ’me, ha ba etsa hoo, Molimo O ba hana, hantle mono. O batla ha re kopana tlas’a Mali, moo re nang le lintho tsohle ka kopanelo, li theosa ka Sefapano. Morero oa Molimo feela oa ho e etsa! Molimo o romela Lentsoe la Hae kamehla.

⁴⁷ ’Me re fumana, kajeno, lefatše kajeno le tšoana le mohla letsatsing leo; ho iphumana, tsamaiso ea lona ea lipolotiki, le oalo-joalo, le kamōha kahohle, le ho lebella messia ea tlang ho le teanya ’moho.

⁴⁸ Joale, lentsoe *messia* le bolela “motlotsuoa,” ntho e tlotsitsoeng. Molimo! *Ena* ke tšenolo ea Jesu Kreste, Buka

eohle e ne e tiisitsoe ka Litiiso tse Supileng tsa tšenolo ea Jesu Kreste. Jesu Kreste o ne a le ho Genese; Jesu Kreste o ne a le mahareng a Buka. Jesu Kreste o ne a le—a le ho Exoda le Genese, 'me O ne a le mahareng a Buka 'me O ne a le—a le ho Testamente e Ncha, le ho Tšenolo le ho ea fihla koana qetellong, “eena maobane, kajeno, le kamehla.” Tsohle ke Molimo!

49 “Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. Me Lentsoe le ne le etsoe nama la aha har'a rona.”

50 “Molimo mehlang ea khale le ka mekhoha e mengata o buile le bontate ka baporofeta.” Mohla Lentsoe la Morena le ne le fihla ho baporofeta, 'me bona feela, hobane ba ne ba tlotsitsoe ka Lentsoe, ba ne ba e-na le tokelo ea ho toloka Lentsoe. 'Me Molimo oa sebetsa ka bona, ho paka hore Lentsoe le ne le lokile. “E ka re ha 'na... e mong har'a e leng motho oa moea, kapa moporofeta, 'Na Morena ke tla Itsebisa eena. 'Me ha seo a se bolelang se etsahala, le mo utloe. Haeba se sa etsahale, le se ke la mo utloa.” Ke taba e sa fetiseng ho beha mabaka a matle, ho monna ofe kapa ofe.

51 Joale re iphumana re le mona, matsatsing a qetelo joale, re sa lebeletse ho Tla ha Morena hape.

52 Ho hopola hantle moreri oa khale oa Baptise ea nkolobelitseng ka Lebitso la Jesu Kreste, ke sa le moshanyana e monyenyanane. 'Me o ne a qoqa le 'na ka taba ena, ka Johanne Mokolobetsi. A re, “Moena Billy,” a re, “mohla Johanne... Mohla A itseng, 'Lumella hore ho be joalo,' 'me eaba o a Mo lumella.” A re, “Eaba Johanne o kolobetsa... Jesu a kolobetsa Johanne, hobane re tseba Johanne a ne a eso kolobetsoe, koana o ne a rera kolobetso.” Be, esale hoo ho nkakile kamehla, hanyenyane.

53 Mona nakoana e fetileng, ka e senoleloa, ka tsela ena, hore kopane mono ka letšeng eo, ka mokoting oo oa metsi, manqosa a mabeli a maholohali a kileng a bonoa ke lefatše: e—e monna a le kaholimo ho baporofeta bohle, e leng Johanne, “ha ho eso be le monna ea tsoetsoeng ke mosali, ea moholo joaloka eena”; 'me mono ho le Molimo, ka Seqo, a bonahalitsoe ka 'mele oa nama. 'Me hopolang, 'me Bibe e a re bolella, “Lentsoe la Morena le tla ho moporofeta.” 'Me mohla Lentsoe le ne le etsoa nama; mona ho ne e me moporofeta ka metsing. 'Me Lentsoe le moporofeta ba kopana, ba tsebana! Ho lokile. Lentsoe ka Seqo, le entsoeng nama, Mora Molimo ea hlahileng ka nama, le tlile ho moporofeta, ka metsing.

54 Mopofeta o itse, “Ke hloka ho kolobetsoa ke Uena, 'me U tlela'ng ho 'na?”

55 A re, “Lumella ho be joalo, hobane re loketse ho phetha ho lokelang hohle.”

56 Hlokomelang! Johanne, ka ho ba moporofeta, o tsebile hoba E ne e le Sehlabelo. 'Me sehlabelo se tlameha ho hlatsua pele se nyeheloa sehlabelo. 'Me A loketse ho kolobetsoa ke hona.

57 Oh, kajeno, re loketse joalo, ho phethahatsa ho loketseng hohle ha letsatsi la rona. Hora e fihlile. Bibe e re bolella se tla etsahala mehleng ena. Re tseba seo Bibe e reng se tla etsahala letsatsing lena. Ho ho rona ho tiisetse Molimo ho fihlela lintho tse na li etsahala. Ke hora! Ho rapella motlotsua ea tla re nea topollo eo re e lebeletseng, hobane Molimo o e tšepisitse.

58 Ba latotse Lentsoe le tlotsitsoeng la Molimo mohlang oo, 'me ka hona la oa, la kamōha. 'Me hape rea fumana, nakong ena, le boetse le putlama hape. Kea fumana, joaloka ha ke boletse, lipolotiki tsa rona li senyehile, bophelo ba rona ba kereke bo bolile. Ho etsahetse'ng? Se entsoe ke sena; ha u tloha, nako efe, hole le lenaneo la Molimo, u tla fumana bobolu. Le ke ke la ema. Lentsoe la Molimo ha le tlaile, 'me ha ho letho le sele le tla nka sebaka sa Lona, le ke ke la khona le ka mohla.

59 Tsamaiso ea rona ea thuto, tsamaiso ea rona ea mekhatlo, e nkile sebaka sa Moea o Halalelang o etellang pele ka har'a kereke. Koetliso ea rona e kholo e ntle ea bareri le lintho tse ling e nkile sebaka sa—sa likopano tsa thapelo tsa bosiu bohle, le tsela ea khale eo re neng re finyella Molimo ka eona. Joale, sebakeng sa ho fumana bareri, re fumana le barupeli, banna ba tseba Lentsoe hakaalo feela, ba ka lula mono 'me ba Le kopanya ka mokhoa ho a hlollang kamoo ba ka e etsang. Ba tseba lihlobo, empa seo ha se Sefutho. Re batla Sefutho. Ha ke tsotelle lihlobo; ke batla ho tseba Sefutho. Ebe Se etsa'ng?

60 Ha ke tsebe kamoo koloi eo e mathang kantle mono. E na le lipistone le lisilindara, 'me ha ke tsebe e sebelisitse khatello e kae. Ntho feela eo ke e tsebang ke sefutho, ho e hloma kantle mono le ho e khanna.

61 Ke seo re se tsebang, Molimo o entse tšepiso, "Ke tla tšollela Moea oa Ka holim'a nama eohle, bara ba lona le barali ba lona ba tla porofeta." O tla e etsa joang? Ha ke khone ho le bolella. Ke batla feela ho tseba Sefutho sa tsamaiso ea Molimo. Ke eona ntho ea mantlha.

62 Kajeno re ithutile lihlobo ho fihlela ntho eohle e le mochini. Koloi e na le molemo ofe ha e se na ntho e ka e khannang? Mabone a na le molemo ofe haeba e—haeba e. . . kapa lisebelisoa, haeba ho se motlakadse o kenang ho ona? Le a bona, re behile lihlobo tsohle, re behile likolo le barupeli, le joalo-joalo, ba ka koetlisang monna, ho fihlela a ka ema sefaleng ka mekhoa e joalo ho fihlela e le motho ea kheleke. Seo le joale ha se tlise Sefutho sa Molimo. Se kae Sefutho sa Molimo se kileng sa ba ho kereke? Le kae Lehlohonolo la pentekosta le neng le tloetse ho phalla har'a likereke? Ke ka baka leo lefatše la rona le kamōhang, hobane re tlohile melaong ea sebele ea Molimo, le ho rupella banna

litsamaisong le linthong. 'Me ke sona se re behileng maemong ao re leng ho ona kajeno. Ke lumela hore ke lona lebaka leo lefatše la rona le kamōhang.

⁶³ Liketsahalo tsena esale li le teng lefatšeng ho tloha mehleng ea Nohe. Re fumana ha Molimo...o ne a e-na le Nohe, moporofeta oa ho loka, a tsoela pele ka molaetsa oa hae, ha fihla khaolo ea boitšoaro bo bobo mehleng eo, joaloka ha Bibeletse e boletse, "Ho ja, ho noa, ho nyala, ho nyalisoa." Rea fumana, menyollo le bohloa, le lilo tse joalo, li etsahetse letsatsing leo. 'Me eaba lefatše le a kamōha hoba batho ba latotse molaetsa oa Molimo, oa letsatsi leo. Nohe e ne e le moporofeta ea tlotsitsoeng ke Molimo, ea romiloeng ke Molimo, ka molaetsa o tsoang ho Molimo, 'me a lemosa batho pele kahloa e fihla. 'Me ba iqabola le ho tšeha, le ho soma ka eona, le ho seholla, 'me tsamaiso eohle ea lefatše ea putlama, ka letsatsi leo, 'me ba noetse tlas'a maoatle. Ke hantle. Hobane'ng? Ba latotse molaetsa oa hora.

⁶⁴ Re fumana ntho eona eo e etsahetse Egepete, mohla Moshe a neng a eteletse bana ba Iseraele pele. Tsamaiso eohle ea Egepete e ne e bolile. 'Me re e fumana joale e etsahetse hape, eitseha Molimo O romela lenqosa le tlotsitsoeng tlase mono bakeng sa Lentsoe la Hae. E ne e le ho phethahatsa Lentsoe la Hae.

U re, "Na e ne e le ho phethahatsa Lentsoe la Hae?"

⁶⁵ O ne a boletsetse Abrahama hore ke hantle seo A tlang ho se etsa. 'Me e mong a lokela ho fihla temeng, mehleng eo, ho phelisa Lentsoe leo hantle ka pel'a bona. Molimo o ne a rometse Moshe oa Hae tlase mono, 'me, eona ntho eo A tšepisitseng ho e etsa, o e entse, hoba e ne e le Lentsoe le tlotsitsoeng bakeng sa hora eo. O itse e tla ahlola lefatše leo. Lentsoe la Molimo le itse, "Ke tla ahlola sechaba seo ka meeka e meholo, e matla le lipontšo."

⁶⁶ Mono keha ho eme monna, monna ea tloaelehileng joaloka uena kapa 'na, a fumane Lentsoe ho tsoa ho Molimo, 'me a tsoela mono 'me a bopa lintho ka puo. Ho re, "Ho hlahe..." A nka lehlabathe, 'me a re, "Matsetse a hlahe lefatšeng." 'Me Lentsoe la Molimo, ka molomo oa moporofeta eo, kahobane e ne e le horeng e neng e loketse, matsetse a aparetse lefatše lohle. A koahela lefatše ka lihohoana, ka linta. A le koahela ka mefuta eohle ea—ea lefu la seoa le lintho. Hobane, Molimo o entse tšepiso, 'me hora e ne e le fihlile e ka tlotsoa, Lentsoe le tlotsitsoeng bakeng sa hora eo ba phelang ho eona.

⁶⁷ Ke seo re se hlokang kajeno, ha se ho khutlela morao tsamaisong e itseng ea seminari, empa Lentsoe le tlotsitsoeng bakeng sa hora eo re phelang ho eona, ho hlahisa Jesu Krete lefatšeng hape. "Eena maobane, kajeno, le kamehla." Ho na le—ho na le lenaneo le lokiselitsoeng letsatsi lena, tšepiso ea Molimo. 'Me mokhoa feela oo re tla khona ho loka le ka mohla, ke ho lumella Lentsoe leo ho tlotsoa. Ke hantle. E etsahetse kamehla. Ee.

68 Re fumana tšilafalo e kholo ea boitšoaro matsatsing a Nebukadnezare. O ne a e-na le monna ea tlotsitsoeng. Mohla mongolo oa letsoho o hlahang leboteng, O ne a e-na le monna ea ka o balang.

69 Matsatsing a Lota le Sodoma, re fumana hape lefatše le kamōha. Molimo oa pholosa se ka pholosoang, ho tsoa ho eona.

70 Matsatsing a Jesu Kreste, re fumana litsamaiso tse entsoeng ke batho li ne li lihetse lefatše maemong a makana, 'me lipolotiki tsa bona tsa letsatsi leo, ho fihlela, bona, lefatše lohle le ne le putlama, Kresemose ea pele.

71 Joale re entse ntho eona eo, ho khutlela morao le ho senya Lentsoe la Molimo, ka borapeli bo hlophisitsoeng, ho fihlela re le fumana le putlama. Ke efe ea litsamaiso eo re ka itšetlehang ka eona joale? Re ka ea tsamaisong efe, Methodise, Baptise, Presbeteriene, kapa tsamaiso ea Pentekosta? Ha ho letho leo re ka le etsang haese ho khutlela Lentsoeng leo le tlotsitsoeng la tšepiso ea hora ena. Litsamaiso tsena lia tetema, lia tšerema. Bona, bao ba, ke litsamaiso tse entsoeng ke motho, 'me li ke ke tsa u pholosa. Ha ho Bophelo ka ho tsona. Bophelo bo ka hare ho Lentsoe la Molimo feela. Ke Bophelo. O boletse joalo.

72 'Me kamoo ho etsahetseng mohlang oo, ha ba ntse ba rapela, batho ba iphumana ba le pheletsong ea leeto la bona, kapa pheletsong ea lithapo tsa bona, joalokaha ho bile mehleng ea Nohe le matsatsing a Moshe, le joalo-joalo. Eitseha ba iphumana, ba sa khone ho tsoela pele, ebile ba qala ba rapela. 'Me ha ba qala ba rapela, Molimo o araba kamehla. Eaba Jesu o a tsoaloe.

73 Lefatše ka nako eo, joalokaha ke boletse, le ne le putlama. Sechaba se seng le se seng se ne se batla messia, joaloka rona kajeno. Roma e ne e batla monna ea bohlae ea ka hlahang har'a bona, e—e monna e moholo ea maqheka 'ohle a sesole, a tle a fetele koo 'me a hatakele Gerike le lefatše lohle. Gerike e ne e batla ntho e tšoanang, motho ea ka ba bolellang mokhoa oa ho hapa lefatše.

74 Lefatše la bolumeli la Bajuda ba mehleng eo le ne le batla molaoli oa sesole. Ba hopotse Messia a tla theoha Leholimong, ka lerehali la tšepe matsohong a hae, 'me O ne a tla thuhaka Roma, a ba hatakele 'me a ba qobokisetse leoatleng. 'Me bohle moo, ba ne ba batla monna oa mofuta oo. Ba ne ba batla molaoli oa sesole.

75 Haholo joaloka bohlo ba malumeli a rona kajeno, malumeli a rona a batla monna oa senatla. Sechaba sa heso se batla monna oa senatla. Russia e batla monna oa senatla. Lefatshe la botjhabela le batla e mong. U.N. e batla e mong. Likereke li batla e mong. Empa ba batla oa mofuta ofe?

76 Russia e batla messia ea tlotsitsoeng ka—ka maboko ea tsebang ho ba hapela lefau-fau le kantle, ho eta motho e mong le e mong pele ho ea khoeling. Ba batla ho hapa lefatše. Ke feela . . .

⁷⁷ Empa, le a bona, ha ba kopa lintho tsena, 'me ba kopa sena, ha ba kope joalokaha Jesu a boletse. Re leka ho fetola Molimo ho kang e—ho kang moshanyana ea rongoang, “Morena, U nketsetse *sena!* 'Me U nketsetse *sena!* 'Me U tlohe ho etsa *sane,*” ho Mo bolella ho etsa'ng.

⁷⁸ Jesu o itse, “Ha le rapela, le rapele ka tsela ena, 'Ntata rona ea Maholimong, Lebitso la Hau le khethehe. 'Muso oa Hau o tle. Thato ea Hau e etsoe.” Mang, fumana moo re etsang hoo? Ha re khaotse re batla Molimo a tlohe ho re etsetsa lintho, kapa ho re etsetsa ho hong. Empa ha re batla ho re, “Thato ea Hau e etsoe,” re inehela ho Eena, re neele litsela tsa rona ho Eena. Sohle seo re leng sona, se neele ho Eena. Ke mohla Molimo a tla nka khato, ha u ikemiselitse ho Mo lumella ho sebetsana le uena, e seng uena o sebetsana le Eena.

⁷⁹ Mo lese a u bolelle, e seng uena u Mo bolelle le ho e hlanola. “Tloo tsamaisong ea rona, oho Morena Molimo, re etse bohle Mamethodise, rona bohle Mapentekosta, re buse holim'a ba bang kaofela. Re batla ramahlale, rona batho ba Pentekosta, rona Mamethodise le Baptise.” Re theile liseminare, re aha tse kholo tsa litonana, re re, “E—e bofelo bo atametse, ho Tla ha Morena,” le ho haha liseminare tsa boleng ba didolara tsa dimilione, le joalo-joalo. Ho leka ho etsa'ng? Re fumane messia. Ke hantle.

⁸⁰ E re Morena a hlalise lethoana ho tsoa kae-kae, mokhatlo o mong le o mong oa bolumeli o iphumanela ea tsoanang. Ke hantle feela. Fuputsa. Shebang mohla pholiso e Halalelang e neng e haola, ke bafolisi ba bakae ba Khalalelo? E mong le e mong o ne a loketse ho ba mofolisi oa Khalalelo.

⁸¹ Ho tsoile Moshe a le mong matsatsing a ho hlahella hoo. Elia o ne a le mong, Elisha a le mong, Esaia e a le mong, joalo-joalo.

⁸² Joale re fumana lefatše le batla messia oa lona. Russia e batla oa bona, 'me United States e batla oa bona, lefatše la kereke le batla oa bona. E mong le e mong o batla messia oa hae, empa ba e batla kamoo ba—ba ka e laolang. Ba batla ho laola messia enoa. Oh, ehlile. Eya, bona, hola ba ka khona. Hola Molimo o ka e romela ka ho rata ha bona, ruri ba ka e amohela. Empa le a bona, ke hona, Molimo o ne a tseba litlhoko tsa bona. Eena, ha O a tšepisa ho re romella tseo re li batlang le seo re se kopang, empa litlhoko tsa rona.

⁸³ Ba ne ba batla mogenerale; ba fumane Lesea. Le a bona, ke seo ba neng ba se hloka. Ba ne ba hloka leseaa (eng?) ho ba tlotlolla, ho ba kokobetsa.

⁸⁴ Ke seo kereke e ikalakisang e se hlokang kajeno, ho boela e ikokobetsa hape. Ho fihliloe sebakeng, ha ho maipolelo 'me ha ho lerato har'a batho. Le bonahala le e-shoa letsatsi le letsatsi. Kereke e a phola. Hohle, u fumana tsoseletso e felile, 'me u fumana ho phola. Re hloka ho hlabisoa lihlong. 'Me re . . .

85 Ba kopile mogenerale; le ho fumana Konyana. Hobane'ng? Ke hore, Molimo o tsebile seo ba se hlokileng. Ke seo ba neng ba se hloka. Ba ne ba hloka Mopholosi. Ba ikhopotse ba pholositsoe, empa Molimo oa tseba hoba ba ne ba se joalo.

86 'Me ke seo lefatše le se hlokang kajeno, hape, ke Mopholosi, Mopholosi oa maemo ana, ntho e ka e kopanyang 'moho. E seng lebotho le rutehileng, tsamaiso e itseng ea mochini, kapa lenaneo le itseng la thuto. Seo re se hlokang ke Sefutho sa Morena Jesu Kreste, le mohau o pholosang, ho khutlela kerekeng hape, mohla banna, basali, bashanyana, le banana, ba ka bolokehang.

87 Na re eme nako e telele haholo? Na ba bangata ba leng kantle ba ke keng ba kena? Na lebitso la ho qetela le lopolotsoe? Na ke bona bothata ba kajeno? Ho ka ba joalo, le a tseba. U a tseba, e—e ka ba joalo habonolo, 'me e sa sitise Mangolo, ho hang. Ho ka ba joalo. Kahoo, ha re tsebe joale, ha re hlokomeleng.

88 Empa ba hopotse nahana ba bolokehile, 'me—'me, empa Molimo o tsebile hantle ho ba feta. 'Me ho etsahala ntho e tšoanang le kajeno.

89 Ba ne ba nkile Lentsoe leo Molimo o ba neileng lona bakeng sa letsatsi leo, ba loketse ba be ba tsebile letsatsi leo A neng a tla tla ka lona, 'me ba Le fetotse moetlo. Jesu o itse, “Le nkile Lentsoe la Molimo 'me la Le etsa lefeela, ka meetlo ea lona.”

90 Le kajeno ho etsahetse ntho e tšoanang lefatšeng la rōna le hlophisitsoeng, la bolumeli bo hlophiloeng. Litsamaiso tsa lefatše li nkile Lentsoe la Molimo 'me tsa Le etsa moetlo. 'Me ke ka hona Le se nang matla ho Lona. Ha ho letho le tla tsoa ho Lona, hoba Le lubakantsoe.

91 U ke ke ua kenya poone ea makhonthe nthong e seng eona, haese lefatše, 'me e ke ke ea mela. U ka e bea letsatsing 'me oa e futhumatsa, u ka etsa seo u se batlang, empa e qosa lefatše la mofuta o itseng. E tlameha e be ka mono. E tlameha ho epeloa. E tlameha ho kena tlas'a atemofere e nepahetseng, ho e melisa.

92 'Me ho joalo le ka Lentsoe la Molimo! U ke ke oa nka kereke 'me oa le phelisa, ka moetlo o itseng. U ka kenya litho, ka limilione, empa u ke ke oa theola Matla a Molimo ho fihlela re khutlela Lentsoeng la mantlha hape, ho khutlela Lentsoeng la motheo, ho khutlela Maling, morao ho e—e Jesu Kreste, morao likopanong tsa thapelo tsa sekhale-khale, le morao ho Molimo! Ekaba ho felile hole ka rona, joale, hoo hora e seng e phirimile ho feta. Empa, koana, Evangeli e loketse ho reroa. Ha rea lokela ho ba baahloli ba seo.

93 Molimo o tsebile seo ba se hlokang, kahoo Oa ba neha seo ba neng ba se hloka. Kahoo hape, rea fumana, seo ba neng ba se fupere, re entse ntho e tšoanang.

94 Russia le ba bang bohle ba batla oa bona. 'Me borasaense ba fapaneng ba batla ho iketsetsa lebitso le leholo. Sechaba se seng

le se seng se batla ho iphumanela monna-ramaboko. Re batla ba rona. Re batla tsamaiso ea thuto ho eona. Re batla phutheho ea bolumeli. Ke hantle feela seo re se fumaneng. Ke seo le se entseng. Ke seo le neng le se batla, ke seo Molimo a le fileng sona. Joale le tla etsa'ng ka eona hoba le e fumane?

⁹⁵ Re bua ka Russia motsotso o mong. Marussia a bitsa monna ea ka hapang lefau-fau. Ba ba koetlisa ka potlako eo ba ka e khonang, bo-rasaense ba bona. Ho ka thoeng ha ba ka fumana e mong, ho ka thoeng ha ba ka fumana messia oa bona, re tla etsa'ng? Re mpe re hauheloe ha ba ka e fumana! Hopolang, Jeremane e sa tsoa fumana messia ea joalo nakoana e fetileng, ha se khale haholo, Hitler. 'Me re tseba seo e ba etselitseng sona.

⁹⁶ Joale ho ka thoeng ka kereke, kereke e batla messia oa mofuta ofe, kajeno? Lona, kereke, le llile la hlolea ka ho fetisisa. Ka hona, re hoeletsa messia ka life, re hoeletsa eng? "Tsoseletso mehlang ea rona! Morao ho *sena*, *sane*, le se *seng*." Ba batla eng, ho e etsa? Le batla'ng hape? Kereke e batla'ng, le hona?

⁹⁷ Re se re E fumane! Molimo o re neile Eona. Ke tšepiso ea Hae bakeng sa hora ena. Re sheba ka Bibeleng, re e bona hohle ka Bibeleng. Batlotsuo ba fihla 'me ba phelisitse Lentsoe leo hape, hantle horeng bakeng sa hora eo. 'Me re fumane Messia. Enoa ke Eena, Lentsoe! "Lentsoe le le le tšimolohong, 'me Lentsoe le ne le le ho Molimo, 'me Lentsoe e ne e le Molimo." 'Me Lentsoe le lula e le Molimo, Baheberu 13:8, "Eena maobane, kajeno, le kamehla." Re tseba se tlamehang ho etsahala letsatsing lena. Re batla Messia. 'Me Molimo o re file Messia, Lentsoe la Hae la tšepiso bakeng sa letsatsi lena. Le mpa le emetse motho ea nang le tumelo, ho Le tlotsa le ho Le phelisa hape. E, monghali. Ke Messia oa mannete, Ke Lentsoe la Molimo. Etsoe, Jesu o itse, "Maholimo le lefatše li tla feta, empa Lentsoe la Ka le ke ke la feta."

⁹⁸ Empa kereke e lutse e shoale moeeng, ho ho felile ka eona, hora e se e ba tlotse. Ba sekame, 'me ha ba tsebe seo ba ka se etsang, e mong o matha ka tsela *ena* 'me e mong ka tsela *eane*. 'Me mona tšepiso e 'ngoe le e 'ngoe eo Molimo o e entseng ka Bibeleng, e 'ngoe le e 'ngoe ea tsona, e robetse mono hantle kamoo e kileng ea e-ba kateng. Ke hora! Ke'ng e etsang hore kereke e be tjena? Re mongoaeng oa Laodisea, mohla a loketseng ho ba tjena. Ena ke hora ea eona.

⁹⁹ Empa hopolang, ka mono ke hora eo moroetsana ea robetseng a tlileng ho reka Oli, 'me e ne e le eona hora eo Monyali a tlileng ka eona. Re fumana kajeno, Ma-Episcopalians, Presbeteriene, le malumeli a fapaneng, ao, lilemong tse 'maloa tse fetileng, u ke ke oa ba lefa ho kena har'a sehlopha sa balumeli ba Pentekosta. Ruri lekhale. Empa ke bao, kajeno, ba kena. Na ha le tsebe seo Jesu a se buileng? Ba kena ho reka Oli, 'me ba re, "Re qhatsetseng Oli ea lona." Ba neng ba tšetse Oli, ba itse, "Ho

se be joalo. E-eang le E reke, esere . . . ho ba E rekisang.” ’Me eare ba sa ea leka ho E reka, ba sa ea leka ho E fumana! Na lea tseba re phela horeng efe, batho ba Pentekosta? Eitseha ha ba fihla, eka ba ba fumane pherekano, ekaba ba entse *sena, sane*, kapa se *seng*; empa, ho latela Mangolo, ha ba ka ba E fumana. Eare ba sa leka ho e etsa, ekaba ba hlakisitse maikutlo a mefuta eohle, le ho kenela meqeqeko eohle le litšisimoho, empa liabolosi a ka etsisa lintho tseo tsohle. Eare ba sa ile ho E reka, kapa ho leka ho E fumana, Monyali a fihla, ’me ba neng tšetse Oli ba kena.

¹⁰⁰ ’Me ke eo hora eo re phelang ho eona. Ha re e-so e bone pele. Jesu o boletse ho tla ba joalo, ka hona ho joalo! Re bona eng? Re bona Lentsoe, leo Molimo a le le boletseng le tla etsahala letsatsing lena, le etsahala hantle tlas’a lifahleho tsa rona. “Oh, tsohang, lona bahalaleli ba Morena, le otsela ke’ng athe bofelo bo atametse; ha re itokisetseng memo eo ea ho qetela,” hobane ha re tsebe mohla e tla fihla. Ee.

¹⁰¹ Tsamaiso ea rona ea lefatše, tsamaiso ea kereke ea rona, tsamaiso ea rona ea bolumeli, litsamaiso tsohle tsa rona, li silafetse ’me li senyehile. Seo re se hlokang kajeno ke seo ba neng ba se tšoare maobane. Ke hantle. Ekare ho li a omella, likereke, ho thata ho fumana kereke e sa ntseng e phela ka Lentsoe le ka Moea oa Molimo, ’me lintho tse kholo li etsahala joaloka ho etsahetse nakoana e seng kaalo e fetileng.

¹⁰² Joale, re fumana Molimo o tseba seo ba neng ba se hloka, kahoo kamehla O—O arabela tšepiso. Ke Lentsoe le leholo feela lena leo re le bonang, tšepiso, ba loketse ba be ba tsebile hoba e ne e le hantle feela seo Molimo o se tšepisitseng, se neng se tla etsahala letsatsing leo.

U re, “Joang, ho ne ho tla etsahala’ng?”

¹⁰³ Esaia 9:6, moporofeta o boletse, “Re tsoaletsoe Ngoana, Mora, Ngoana; Mora o tsoetsoe, re neiloe Ngoana: ’me Lebitso la Hae e tla ba ‘Moeletsi, Khosana ea Khotso, Molimo o Matla, Rabosafeleng’; ’me borena bo tla ba mahatleng a Hae, ’me ‘Muso oa Hae o ke ke oa ba le bofelo.”

¹⁰⁴ Rea tseba re ne re tsoalloa Ngoana letsatsing leo, moroetsana a tla emola a tsoale Ngoana. ’Me ha E a hlaha ka efe ea litsamaiso tsa bona, kahoo ba sa batle ho amana le Eona ka letho. Ba ile ba E hanela. Empa Lentsoe le tlotsitsoeng, Molimo (Emanuele) ea entoeng nama har’a bona, a ema mono, A re, “Ke mang ho lona ea ka Nqosang ka sebe, ho se lumele? Batlisisang Mangolo, hoba ho ’ona le lekanya hoba le na le Bophelo Bosafeleng, athe ke ’ona a pakang ka ’Na.” O ile a bonahatsoa ka ho hlaka hore E ne e le Messia, Messia ea neng a tla etsahala letsatsing leo. ’Me litsamaiso li ne li—li ne li ferekantse likelello tsa batho, melaong e mengata hakana ea tsamaiso, le joalo-joalo, ho fihlela ba fetotse Lentsoe la Molimo lefeela. Ba sitiloe ho bona hore E ne e le Messia.

¹⁰⁵ 'Me joaloka ha e entse mohlang oo, e entse hape. Ho lokile. Litsamaiso ea lefatše, mechini, ho beiloe lipistone moo e—moo peipi ea ekzoso e lokelang ho ba teng, mechininng ea bona e mehola. 'Me ka hona ebe e ka matha joang? E ke ke ea e etsa. Ha e a teoa ka mokhoa oo.

¹⁰⁶ Kereke e ke ke ea matha ntle le Matla a Molimo, ka Lentsoe. 'Me Moea o Halalelang o tla thasisetsa Lentsoe la Molimo feela, hoba ke seo O loketseng ho se etsa. Tlotso ke ho omela Lentsoe.

¹⁰⁷ 'Me Jesu e ne e le Motlotsuoa, Lentsoe le entsoeng nama. Ke ka hona A tsoileng ho kena metsing mono, E ne e le Lentsoe le tlang ho moporofeta. O ile a kolobetsoa ke moporofeta. 'Me moporofeta a ema, 'me a re, "Eka khona ke bobee; Eena o tla eketseha." Re fumana eo e le tsela ea Molimo ea ho e etsa.

¹⁰⁸ Empa na ba E amohetse? Ba ne ba loketse ba be ba E tsebile. Ba loketse ba be ba hlokometse liketso tsa Molimo. Ba bone Lentsoe le phethahatsoa. Ba tsebile hoba Mangolo a e boletse, empa ha ba Le lumela e ka tla joalo. Le ne le lokela ho tla ho Bafarisi kapa Basadusi. Holane le tla ho Bafarisi, Basadusi ba ka be ba sa Le amohela. Ka ho fapanyetsana, e—e Basadusi ba ne ba sa tl'o Le amohela, hoba ba boletse Bafarisi ba tla Le fumana.

¹⁰⁹ 'Me le kajeno ho joalo feela, litsamaiso tsa rona, 'me ntho eohle e ne e bolile 'me e silafetse. Oh, khili! Hora eo re phelang ho eona joale, lefatše le fofalitsong, le tsamaeang lefifing, ho khutlahana litsamaisong tsa lefatše lena, joaloka linku tse se nang molisa. Hoba Lentsoe la Molimo o phelang le netefatsoe ka pel'a bona, ba tloha hantle ka bofofu, le ho Le tlohela, le ka lebella ntho efe esele? Amen. Ke rona bao.

¹¹⁰ Joale, lefatše lea kamōha. Hobane'ng? Lona Lentsoe le le tlamileng 'moho le latotsoe. Re fumana seo ho Baheberu, khaolo ea 11.

¹¹¹ Einstein o boletse. Ke ne ke mametse puo ea hae, mona bosiuang bo bong, New York City, mohla a hlhisang e 'ngoe ea lithupello tsa hae tsa ho qetela. O ne a bua ka senkhome sa linaleli, mahlahana a linaleli, e ne e le eona, kantle ka senkhome. A re, "Hola motho a ka haola sebakeng, ka lebelo la leseli . . ." Ke eng, likete tse robeli . . . [Motho e mong o re, "Lekholo le mashome a robeli a metso e tšeletseng."—Mohl.] Limaele tse likete tse lekholo le mashome a robeli a metso e tšeletseng ka motsotsaona. "Ho ka mo nka lekholo, ho mo nka lilemo tsa leseli tse limilione tse lekholo le mashome a mahlano ho fihla mono." O ne a sibolotse Bosafeleng. Eaba o re, "Ho khutla, ho tla mo nka lilemo tse ling tse limilione tse lekholo le mashome a mahlano, e tla be e le lilemo tse limilione tse makhola a mararo. 'Me nako, eo esale a falletse ka eona lefatšeng, e ne e tla ba lilemo tse mashome a mahlano feela." Ke moo, ho pshatla ho kena Bosafeleng! Oh, khili! Boholo ba Molimo, athe O entse tsamaiso eohle ea letsatsi le mahlahana a lona!

112 'Me moatronoto enoa, ka letsatsi le leng, ea fofileng a potoloha holim'a Russia mono, 'me o itse ha a "bona bona Molimo oa letho, Mangeloi." Batho ba ka hloka temoho hakaakang! Holim'a. . .

113 Molimo! 'Me tsamaiso eohle ea letsatsi le mahlahana a lona, O e bulutse matsohong a Hae; 'me O lutse lilemo tse limilione tse kana, lilemo tsa leseli, mose oane ho moo. 'Me ntho eohle e kakatletsoe ke Matla a Oona le Lentsoe la Oona. Allelua! Naleli e 'ngoe le e 'ngoe e tlameha ho leketla sekhutlong sa eona. E, monghali! Mohlang oo, ho ikokobetsa ho lekana ho theoha le ho etsoa e mong oa rona, ho re shoela; ha re na boitatolo. Hola e 'ngoe ea linaleli tseo e ka tsoa bohologoaneng ba eona, ea fapoha mopotoloho oa eona moo e leng teng, haeba e ka sutha, e ka sitisa tsamaiso eohle. Tsamaiso eohle e tlameha ho phethoha ka ho tsoana hantle, hobane e 'ngoe e itšetlehile ka e' ngoe.

114 'Me tsamaiso ea Molimo, ha e le kutloanong e phethehileng le Eena, ntho eohle e sebetsa ka phetheho. Ho lokile, hobane e loketse joalo.

115 Empa kereke ha eso amohela tsamaiso ea Molimo, e ichetsetse tsamaiso ea eona. Ka lona lebaka leo bohle re tsoile kutloanong. Lebaka leo kereke e futhahaneng hakana. Lebaka leo lefatše le kamohang kajeno, hobane re itlhometse litsamaiso tsa rona. Lebaka leo lefatše la lipolotiki le kamohileng. Lebaka leo lefatše la bolumeli le kamohileng, ke hobane re hlomamisitse tsamaiso sebakeng sa ho nka leano la Bosafeleng la Molimo la mengoaha. Amen. Ke bona bothata ka lefatše. Ke hona hantle ho phoso, ka hobane ba hlomamisitse ntho e 'ngoe. E entse batho tjena, "Ke Mopresbeteriene. Ke Momethodise. Ke mo-Oneness. Ke Boraro. Ke. . ." Oh, mohau! Ha ho makatse re sa matahane, ha ho letho ho re kakatlela hammoho.

116 Mongh. Nixon o buile mantsoe a hlabosang ho fetisa ao nkileng ka utloa mopresidente ofe kapa motlatsi oa mopresidente a bua lilemong tsa ho qetela tse 'maloa tse fetileng, ha a itse letsatsi le leng, "Bothata ka batho ba Amerika, ba feletsoe ke lerato le tlhomphe e mong nqa e mong." Baahi ba Maamerika ba thunyana ba lahlana fatše, seterateng, re ka etsa'ng? Khili!

117 Haeba u sa khone ho fapana le monna, le ho mo rata ka ho tsoana, joale koala molomo. Haeba u sa khone ho mo joetsa, joaloka ntate ha a khalemela ngoana oa hae, ka sepha se ikemiselitseng ho mo haka e molaleng le eena a boela a u haka, molemo ke hore u e tlohele. Ha u eso tsoe tema ho lekana, ka bo- uena, ho tseba seo u buang ka sona. Ho lokile. Nka fapana le monna, ruri; e sa ntse e le moena ka, ke tla mo tsoara ka letsoho. Ha ke khone ho mo lesa ho tsoella joalo; ha nka etsa, haeba ke sa 'molella, ekabe'ba ha ke moena ea nepahetseng ho eena. E joalo.

Empa nka 'molella, le ho 'molella hoba ke a mo rata, le ho mo pakela eona, ke a mo rata.

¹¹⁸ Ha u a tlameha ho mo thunya u mo lahla fatše, seterateng. Ke fapana le Mongh. Kennedy le—le lipolotiki tsa hae, le bolumeli ba hae, le lintho tse joalo, empa o ne a sa lokeloe ke hoo. Che, monghali. Che, lekhale bo. Ha ho motho ea lokeloang ke hoo.

¹¹⁹ Ka hona, re fumana lefatše lohle le senyehile. Sechaba sa rona, lipolotiki, litsamaiso tsa borapeli, le ntho e 'ngoe le e 'ngoe, e senyehile.

¹²⁰ E emetse feela. Lentsoe la Molimo, le neng le porofeteloe letsatsi lena, le emetse motho ea fihlang a Le netefatsa. Kea ipotsa hore na ebe O se a e entse na? E tla ba re eme hokae haeba A e entse? Haeba A e entse, joale re hokae? Bomalimabe bo fetisisang!

¹²¹ Ke buile ntho e thata ka Mof. Kennedy, makhetlo a 'maloa, mabapi le ho ralla lefatše lifeshene, ka mekuto ena ea hloohometsi, 'me le, "Kamoo likhahitseli tsa rona le bao ba kutang moriri oa bona, le ho apara joaloka Mof. Kennedy," ka re, "joaloka Jezebele oa bohohoholo." Ke 'nete. Ke lumela seo. Ke—ke—ke utloela 'mènyana bohloko mono bosiang bona, le bana ba hae, hantle.

¹²² Empa e reng ke le botse taba. Hola Jacqueline Kennedy a utloile Melaetsa eo ba bang ba lona Mapentekosta le e utloileng, ka ho poma moriri oa lona le lintho, mohlomong a ka be a sa poma moriri. Lona le loketse le be le le mopentekosta, 'me koana le sa ntse le e etsa! Uh-huh. Uh-huh. A ka ka be a sa e etse holane a fumane monyetla 'me a utloa Molaetsa, le a bona, lona le utloile. Ke lona bao. Re sebakeng se sebe, batho. Ke hantle feela. E, ka sebele. Oho Molimo, kamoo maitšoaro, ntho eo. . .

¹²³ Bosali ke e 'ngoe ea lintho tse momahanyang sechaba sa ha'bo rona. Ke lesapo la mokokotlo. 'Me bosali, molemo o khabane oo Molimo a o fileng mosali hore e be 'mè, khele, bo—bo—bo felile. Khale koana e—ho se ho—e—e basali ba lefatše lena, bokhabane ba bona, bo khumametse molimotsana oa feshene oa Hollywood; ba ipapisa le eona, le ho ikapasa, le ho itšoara joaloka likhalala tse ling tsa Hollywood. 'Me khafetsa esita le moaparo o hanaelang borapeli, ho hohela ketso ea boong, o nkoa e le lifeshene ka har'a likereke. 'Me balisa ka mor'a sefala, ha ba na—ha ba na sebete, ha ba na e—e matla a Moea o Halalelang; joaloka Lota ea lutseng tlase mono, a moea oa hae tšoenyeha, 'me a kene haholo teketeng ea lijo ho bolella batho hore e phoso. Ee.

¹²⁴ Seo re se hloakang kajeno ke ho fothola ka metso. Re ka tsoa re fothola nako e se e tlotse haholo joale. Hora e ka tsoa e se e fetile. Re ke ke ra fumana tsoseletso e 'ngoe le ka mohla. Ke a tseba le ea e batla, empa ha ke e bone Lengolong.

¹²⁵ Ke lebeletse Hloibilo, ea batho ba tlang letsoho feela. Ke hantle, ke batho ba tlang letsoho feela. Ho ke ke ha bonoa hoba

ba haella lefatšeng. Mohla ba fallang, u ke ke ua tseba hore ho felile. Ke hantle. E tla fihla joaloka lesholu bosiu.

¹²⁶ 'Me haeba ha A sa khaole mosebetsi hakhutšoane, ka baka la Bakhethoa! Ba teng ba khethetsoeng Bophelong Bosafeleng, re tseba seo; kaofela ha bona ba joalo, ba nang le Bophelo Bosafeleng. 'Me haeba ba—'me haeba ba . . . kapa haeba A sa e khaole hakhutšoane, ka baka la bona, ha ho nama e tla bolokeha. Lefatše le ile la shoahlamana, lilemong tse ling le tse ling tse likete tse peli. Rea tseba hoba tsamaiso e kamohile. E kamohile matsatsing a Nohe. Matsatsing a Kreste, ea putlama. 'Me 1964 ke ena e a tla, e siea eng? Lilemo tse mashotharo-tšelela ho fihla ho likete tse ling tse peli; mongoahakholo oa mashome a mabeli a motso o mong, a mashome a mabeli a motso o mong o a tla. Ho etsahetse'ng? Mosebetsi o sa ntse o tlameha ho khutsufatsoa. Jesu o boletse, e—e bobolu ba letsatsi lena, “Bakhethoa ba ne ba tla thetsoa 'me ba ke ke ba pholoso, hola ke ntho e ka etsoang.” Ke rona bao. 'Me almanaka e a re bolella, ho ea ka saense, re saletsoe ke lilemo tse leshome le metso e mehlano ho tloha moo. Re saletse morao almanakeng ea Roma, ho latela almanaka ea Sejuda, re saletse morao ka lilemo tse leshome le metso e mehlano, tse mashome a mabeli.

¹²⁷ Joale re hokae? Re bona lichaba li pshatleha, 'me Iseraele e a phaphama, lipontšo tseo Bible ena e li boletseng bakeng sa letsatsi lena. Re bona lintho tsa mochini tse etsahalang. Joale Moea, sefutho sa Lentsoe leo le tšepisitsoeng, ho kena Kerekeng ea Hae le ho ba khannela Kalvari koana, le ho ea Hloibilong! 'Me ke rona bao.

¹²⁸ Ha ho makatse haele moo re kamōha, ha ho letho. . . Eona Ntho e hlolileng lefatše, eona Ntho e behiloeng mona ho bulela lefatše, eona Ntho eo litsamaiso le tsohle li neng li tlameha ho phikoloha li e teetse hare, Lentsoe lena leo, ka Molimo, le bopile lefatše. Einstein o buile bukeng ea hae, “Lengolo le ka hlaloso ka mokhoa o le mong feela. . . Ho ka hlaloso tjena feela hore lefatše lena le bile teng,” ho re, “eona ke Baheberu 11, ‘ka tumelo re utloisisa hoba Lentsoe la . . . ka Lentsoe la Molimo, hore mafatše a hlophisitsoe hammoho ke Lentsoe la Molimo.” Ke phetho. Ha ho mang ea ka boelang kamoo le leketlileng sebakeng, le kamoo le ka phikolohang le etsa lihora tse mashome a mabeli a metso e mene le potoloha ek'hweita, joalo-joalo ka mokhoa oo, le mopotolohong oa lona, hohle, le ho khutlela hona lethebeng leo 'me le sa fose le motsotsoana. 'Me naleli ka 'ngoe e phethoha selikalikoeng sa eona joalo, 'me lia thusana ha li ntse li likoloha.

¹²⁹ Kamoo khoeli e lebetseng tlase mono holim'a leatlle leo! Hola khoeli ea sutha sebakeng sa eona, re ne re tla koaheloa ke metsi a maoto a lekholo, ka motsotsoana feela, kapa e 'meli. Khoeli eo! Shebang, ha u phunya lesoba mona, lona batho ba chekang oli, ho cheka tlase mona. Le a bona hore lebopo le hole

haka le lona? Ha u phunya lesoba fatše mona, 'me u shebe nakong ea mantsiboea, kamoo leqhubu le kenang kateng, le nyolla metsi ka phaepheng ea hau, metsi a hau a letsoai. Ruri. Ke eng? Khoeli eo e aa laola, koana.

¹³⁰ Ke tsamaiso ea Molimo. Ke leano la Moimo. Ke Molao oa Molimo. Empa, re iketsetsa oa rona, ha re nke oa Hae. Ha re potlakeng joale, ho qetella. Joaloka mehleng eo, ho a tsoana le Keresemese ena, re fumana lefatše la rona le putlama. Oh!

¹³¹ Molimo o ile oa tlotsoa, 'me O tšepisitse Lentsoe la Hae. O re tlotsetse morao mono, 'me Oa re bolella, oa ba bolella, "Mohla O neng o tlotsoa Jesu Krete . . ." Petrose o boletse ka Letsatsi la Pentekosta, o itse, "Jesu Krete, Monna ea supiloeng ke Molimo har'a lona ka mehlolo le meeka, eo A e entseng har'a lona; le lona le a tseba." Ke lipaki. Ha boela ha thoe, "Ka mor'a tsoho, le joalo-joalo, kamoo A entseng! Kamoo ka matsoho a bokhopo le nkileng Khosana ea Bophelo la e thakhisa, Eo Molimo o Mo tsositseng; 'me rona re lipaki." Kamoo Nikodema a tlleng kateng a re, "Rabbi, rea tseba. Rona Bafarisi, Lekhotla la Sanhedrine holimo mono, re a tseba U Moruti ea romiloeng ke Molimo. Ha ho motho ea ka etsang lintho tseo U li etsang e se taba ea Molimo." Ba tsebile hoba tšepiso eo e ne e etselitsoe mono, 'me ba tsebile hore e ne e le eona, empa litsamaiso tsa bona li ne li ba bofile hakaale ba sa khone ho etsa letho ka eona.

¹³² Ho joalo le kajeno, ntho eona eo. U ke ke oa e etsa, u tla tela karete ea hau ea botho khetlo la pele ha u e etsa. U mpe u tsoaee Lentsoe leo la Molimo khetlo le leng, bona se etsahalang; ho felile ka uena. U ke ke ua tuma. U tla lelekoa har'a bona, le ntho e 'ngoe le e 'ngoe.

¹³³ Oh, haeba u kakatletse tšebeletsonyana ea lentsoe, ba tla u hlotla chelete efe eo ba ka e khonang, ho hula letšoele tšebeletsong ea hau ea lentsoe, hula chelete le lintho. Empa elka hloko feela ha ho tluoa Lentsoeng, le ba shebe kamoo ba honyelang nthong Eo. Le nahana hoba mohlanka oa Molimo ha a tsebe se? Be, Jesu o tsebile hobane Judase o ne a Mo teetse hare. Hobane'ng Jesu a sa ka a bua taba ho Judase? Ka lona lebaka leo kajeno, u loketse ho emela hora eo ea thetso ho fihla. Ke hantle. Ba e fumane. Ba tla e fumana.

¹³⁴ Lemohang, empa ba ne ba sa batle kamoo A tlleng kateng, ho joalo le kajeno. Joale likereke li ne li batlile hore litsamaiso tsa tsona li tlotsoe. Bafarisi ba ne ba batla hore tsamaiso ea Bafarisi e tlotsoe, Basadusi ba ne ba batlile tsamaiso ea Basadusi, ba-Heroda ka ho tsoana, joalo-le-joalo. Ho joalo le kajeno. Haeba ba tla . . . Ha Molimo o ka romela tlotso, 'me Oa tlotso ma-Oneness, oh, khili, na ba ke ke ba bolella ma-Twoneess ka eona, kapa ma-Threeness, kapa eng feela? Na ma-Assemblies a ke ke a bolella ma-Oneness ka eona? "Ke u boleletse hore re nepile!" Methodise

e tla bolella Baptise, “Oho moshanyana, u a bona, re e fumane!”
U batla hore ho tlotsoe tsamaiso ea lona.

¹³⁵ Empa Molimo o tšepisitse ho tlotsa Lentsoe la Hae feela. Amen! Kea tseba taba ena e a tlabola, empa ke seo 'Nete e leng sona. Molimo ha O fetohe. O tlotsa Lentsoe la Oona. E, monghali. Lentsoe le tlotsitsoeng, le tšepisitsoeng mongoaha oo ke seo Molimo o se tlotsang. Lentsoe la pallo la mongoaha oo!

¹³⁶ Kajeno ba batla tsamaiso ea thuto, (hobaneng?) ka hona ba ka etsa sefe seo ba se batlang, 'me ba ntse ba babaletse maipolelo a bona a Bokreste. Oh, haeba ba tšoare ntho e kholo, moo u ka kenang teng, ho theosa ka mela, le lintho, le ho hlafuna chepisi, le—le rahana lephakong; le ho tsoa le ho tšoara lihlole tsa boithabiso le lintho, moo bohle le tsoelang teng ho bapala baseketebnole le lintho tse joalo. Ha kea koetla letho khahlano le baseketebolo, beisebolo, futubolo, kapa eng feela, ntho e kholo. . . haeba e le phetho seo molimo oa hau a leng sona, ke mokotla o moholo oa moea. Empa e re ke u bolelle, seo re se hlohang kajeno ke Lentsoe la Molimo, le tlotsetitsoeng mongoaha ona, seo se tla hlalisa Matla a Moea o Halalelang hape. E, ho itoketse, empa ntho eo ha e a lokela ka har'a kereke. Che, monghali. Ho tlameha ho aha ntho e kang eo, ho boloka kereke 'moho, molemo ke ho e chesa kapa ho e rahela kantle, kapa ho kenya se seng ka mono se tla khutlisa Lentsoe hape. 'Me tseo ke lintho tsa lefatše, oh, ho e tsoaka le Lentsoe la Molimo, u ke ke ua e etsa. Che, monghali.

¹³⁷ E, monghali, joale ba batla tsamaiso. Lefatše le tla nka tsamaiso. Joale re a fumana, tsamaiso e nyenyane ka 'ngoe ka bo-eona, e 'ngoe le e 'ngoe ea tsona e re, “Ke batla hore E tle ho 'na. Ke batla hore E tle ho 'na.” Oh, ba fumana mechini e meholo, le ho ruta bareri, le lintho tse kang tseo, le ho ba ntša, ho ba qhotsa, moshanyana, ka hlalefo; ho fihlela, khili, mothaka ea utloang mantsoe a hae, sebopeho-puo sa hae, se tšabeha hakana, ha a batle le hloella o sefaleng a mo hlahlama. Empa seo re se hlohang kajeno ha se tsamaiso ea thuto, ha se lithupello.

¹³⁸ Seo re se hlohang kajeno ke Evangeli e tšeroeng ka Matla a Molimo, ho netefatsa Lentsoe la hora ena, ho tla fihla moo motho a tla ema a bitse ntho e ntšo “ntšo,” le e tšoeu “tšoeu,” motho ea tla ema 'me a bue 'Nete, leha E buha letlalo kapa e u hohla, kapa seo E se etsang. Ke sona hantle se—seo hora e se memelang, kajeno.

¹³⁹ Empa batho ba batla ho hong. Batho kajeno, basali, ba batla eng? Ba batla e—e—e batho, molisa, ea tla ema a re, “Ho lokile. U ka etsa *sena*, kapa ua etsa *sane*. Kapa, ho itoketse, ha ho letho le phoso ka *seo*, moratuoa.” Moreri eo o hloka ho qopetsoa ka Evangeli; ho lumella moriri o ponngoeng, ho tlola ferefe.

Che, u re, “Seo se amana joang le Eona?”

140 Na ha u tsebe hoba bokantle ba hau bo bonahatsa se leng ka hare? Na Bible ha e re ha ua lokela ho etsa joalo? “Ha se le tšoanelo ho mosali ho rapela joalo.”

141 'Me uena monna u batla ntho e kang eo? Bareri, u ke ke oa e bua, hobane u tla tela karete ea hau ea bolekanane, lekhotla le leholo le tla u leleka ha u ka bua selo ka eona. Molimo o thuse monna ea ka nahanang haholo ka karete ea lekhotla kapa karete ea bolekanane ho feta kolobetso ea Moea o Halalelang, ka Lentsoe! Moea o Halalelang, o ngotseng Bible, o ka latola seo O se ngotseng joang?

142 “Be, matsatsi a mehlolo, oh, ha re hloke seo kajeno. Pholiso e Halalelang, lintho tse ling, hore, ha ho ntho e joalo. Boo ke bonohe, boo ke, oh, ho bala kelello.” Uena, mofokoli, ea nyatsehang, molato keng ka uena? Re hloka—hloka Evangeli, haeba Moea o Halalelang o le ka ho uena!

143 Ha nka u bolella, “Bophelo ba Beethoven bo ne bo ahile ka ho 'na,” nka ngola 'mino. Efela ha Beethoven a ne a phela ka ho 'na, nka phela bophelo ba Beethoven. Efela ha Shakespeare a ne a le ka ho 'na, nka qapa lithothokiso. Nka ngola litšoantšiso, ha Shakespeare a ne a phela ka ho 'na.

144 'Me ha Jesu Krete a phela ka ho uena, mesebetsi eo A e entseng, le Lentsoe la Hae, Ke Lentsoe, e tla Ikhohisa letsatsing lena, ka eona tšepiso eo A fanang ka eona. Amen. Ke seo Molimo a se emetseng. Ke sona se kakatlelang lefatše, arohanya, se kakatlelang lefatše 'moho, lefatše la bolumeli 'moho, ke Lentsoe la Hae, tsoarang Lentsoe lefe feela 'moho. Ee.

145 Batho ba batla tsamaiso ea mofuta oo, koana. Ba tla e fumana. Ba se ba le ka ho eona, hantle joale. Lekhotla la Likereke tsa Lefatše le tla ba fa feela seo ba se batlang, e mong le e mong oa bona 'moho. Kamoo Mapentekosta ana a ka lulang libokeng tse, le ho kena Vatican City le ho ngola lengolo le potolohang, le ho re, “Ntho ea moea ka ho fetisa eo nkileng ka e bua, keha ke ne ke lutse pel'a Ntate ea Halalelang Pope *Sekete-kete*,” le ho ba Mopentekosta le ho tseba mokhoa . . . Ke motsamao o shoeleng oa Pentekosta. Ntho eohle e shoele. E senyehile. E felile! E khutletse hantle ka har'a Konfederasi ea Likereke ha'bo eona. Hantle-ntle.

146 Empa Kereke ea Molimo o phelang, Monyaluoa eo, o tsoelapele hantle feela ka ho tšoana. 'Me O tla kena Hloibilong, ka Lentsoe, ke hantle, Lentsoe le Lentsoe li tla ba 'moho. Ha re le karolo ea Krete, karolo ea Lona, re loketse ho ba Lentsoe la Hae, hoba Eena ke Lentsoe. Ho lokile. E, monghali.

147 Ba hanne Lentsoe le tlotsitsoeng la tšepiso, ea mongoaha 'ona, 'me eena Ke Lentsoe kamehla. Haeba Molimo o re rometse motlotsuoa, Lentsoe le tšepisitsoeng hape, bakeng sa mongoaha ona, ka 1946, O ne a tla tšoana le seo A neng a le sona mohla A neng a fihla tlang qalong, Lentsoe le tlotsitsoeng la mongoaha. Baheberu 13:8 e boela e lahlela hantle feela mafareng a hau, le

ho re, “E sa le eena maobane, kajeno, le kamehla.” Ke hantle feela. ’Me re. . . ’Me O ne a tla tiisetsa Lentsoe la Ntate la pallo ea mogoaha ’ona. Holane Jesu a ka tla, O tla ba hantle feela seo Lentsoe le boletseng E tla ba sona mogoaheng ona.

¹⁴⁸ Ke seo Elia a neng a le sona mogoaheng oa hae. Ke seo Moshe a neng a le sona mogoaheng oa hae. Ke seo Nohe a neng a le sona mogoaheng oa hae. Ke seo, hohle, moporofeta e mong le e mong a kileng a fihla. ’Me e—e Lentsoe, ha Le fihla ka botlalo, Lentsoe lohle le entsoe nama hara rona, Le entse hantle feela seo Le boletseng Le tla se etsa mogoaheng oo.

¹⁴⁹ Ha Le ka fihla kajeno, E tla be e le Jesu Krete hantle feela ea phelang tšepiso ea Hae e leng seo A tšepisitseng ho se etsa, joaloka Lentsoe feela.

¹⁵⁰ E ne e le Lentsoe. Esaia 9:6 ke Jesu Krete. ’Me mohla Le neng le entsoe nama le ho aha hara rona, Le phetse hantle feela seo Le se entseng. Moshe o boletse mono, Bukeng ea Exoda, “Morena Molimo oa lona,” kapa Deuteronoma, “Morena Molimo oa lona o tla le hlalishetsa moporofeta, ea joaloka ’na; ’me ekare, ha e mong a sa mo utloe, o tla khaoloa har’a sechaba e—e batho.” ’Me mohla A tlileng, O entse hantle feela seo Lentsoe le itseng O tla se etsa. ’Me ba fihletse molato ho Eena, hobane litsamaiso tsa bona li ne li Le khaotse ’me li entse Lentsoe la Molimo ntho e se nang matla ho bona. Le a bona? Ba ke ke ba lumela lintho tse kang Eo. Ba sa khone ho lumela lintho tsa mofuta oo, hobane nako e ne e fetile, ba nahana joalo. Oh!

¹⁵¹ Hoba, O pakile hore Lentsoe la Hae le a tšoana. O ne a tla netefatsa Lentsoe kajeno, joaloka ha A Le netefalitse mohlang oo. O ne a tla ahlola, ka bohale, tsamaiso e ’ngoe le e ’ngoe ea bolumeli lefatšeng, haeba A ka fihla lefatšeng kajeno. Ke seo A se entseng, khetlo la pele. Ke eona ntho eo A neng a tla e otlala eo. Ke hantle seo A se otlileng ha A ne a fihla khetlo la pele. Joaloka ha A entse mohlang oo, ba ne ba tla etsa joalo nakong ena, le bona. ’Me O e entsa mohlang oo, hoba ha A fetole Lentsoe la Hae. Ha A fetole tsamaiso ea Hae. E a tšoana kamehla, Ke Lentsoe le tlostsitsoeng nako le nako, bakeng sa mogoaha. Ke hantle.

¹⁵² Kahoo hape, joaloka ha re e fumana kajeno, haeba A ka tla, merero ea Hae ea ho kakatlela lefatše ’moho e ne e tla haneloa joaloka mehleng eo.

¹⁵³ Empa mamelang, ho koaleng, ke batla ho bua sena. Ha re a tšepisoa tsamaiso, ha re a tšepisoa phutheho ea bolumeli, phutheho ea tonana, leanohali la mofuta. Empa re tšepisitsoe ’Muso, ’Muso oa Bosafeleng. Amen. Ke seo re se tšepisitsoeng, ho ba le Bophelo Bosafeleng ’Musong ona oa Bosafeleng. ’Me ’Muso o laoloa ke Khosi ea Bosafeleng, Lentsoe la Hae la Bosafeleng le abetsoeng batho ba Hae ba ruileng Bophelo Bosafeleng. ’Me batho ba Bophelo Bosafeleng ha ba je lintho tsa lefatše, empa ho ngoliloe, ho thoe, “Motho o tla phela ke Lentsoe le leng le le

leng le tsoang molomong oa Molimo.” Kahoo bobeli ba rona joale ha re . . . Re amohela 'Muso ona, 'me rea fumana, “Leholimo le lefatše li tla feta, empa Lentsoe lena le ke ke la feta.” 'Me Lentsoe lena ke 'Muso. Enoa ke Khosi le 'Muso, Tsamaiso, Bophelo, ntho e 'ngoe le e 'ngoe e ka *Mona* hantle.

¹⁵⁴ Ha Molimo o ahlola lefatše la Oona ka kereke, ebe O tla le ahlola ka kereke efe? Tse leng teng li kae? Makholo le makholo le makholo a likereke tse fapaneng tsa mekhatlo. Haeba Katolike e nepile, ke Katolike efe? Haeba Katolike ea Gerike e nepile, joale e tla ba ea Roman e fositse. Haeba ea Roman e nepile, ea Gerike e fositse. Ka hona, le a bona, ha Methodise e nepile, Baptise e fositse. Ha Baptise e nepile, e—e Pentekosta e fositse. Ha Pentekosta e lokile, joale Presbeteriene e fositse. Le a bona? Kahoo le ne le tla ferekana kahohle.

¹⁵⁵ Empa Molimo ha oa re siea re se na paki kapa sefe—sefe—sekala sefe re lokelang ho itekanya ka sona. Ke Lentsoe lena! O itse, “Lentsoe la motho e mong le e mong e be leshano, 'me la Ka e be 'Nete.” Ke hantle.

¹⁵⁶ Hoba, “Leholimo le lefatše li tla feta.” Re bolelloa mona, ho re, “Re amohela 'Muso o ke keng oa sisinyeha.” E, monghali. Mohla mebuso ena eohle ea lefatše e helehang joale, 'me lefatše lohle le kamōha, koana re kolobeletsoa 'Musong o ke keng oa sisinyeha. Amen. Re amohela 'Muso. Kahoo, mohla lefatše le kamōhang, re tsoalloa 'Musong ona o ke keng oa kamōha. Ke Lentsoe la Molimo la Bosafeleng, 'me re ema holim'a hoo. Ha ho mohla Le ka putlamang.

¹⁵⁷ Re utloa haholo ka tsamaiso ena e ncha e tlang ho hlahisa, tsamaiso ea bolumeli, le a tseba, e tlang ho tlisa khotso lefatšeng, mohla Katolike le Maprotestanta 'ohle a kopanang 'moho. Ba bang ba bona ba lumela pholisong e Halalelang, ba bang ha ba lumele, 'me ba bang ba lumela *sena*, 'me ba bang ba lumela *sane*. 'Me le tlameha ho tela khang ea lona e kholo le kileng la ngangisana ka eona ka linako tsohle, tumelo ea lona ea evangeli, ho kena Lekhotleng la Lefatše. 'Me bolumeli ka bong bo tla lokela ho kena ka mono. Ka hona, haeba phutheho ea bolumeli e rohakiloe, ho ba setho sa eona, hoo ho etsa'ng? E u lahlela hantle morao. Efela ha Roma e le 'mè oa phutheho ea bolumeli, 'me e le sebata le letšoao la sebata, joale ba entse setšoantšo, lekhotla, likereke kaofela hammoho li etsa setšoantšo sa sebata, ka hona hantle morao letšoao la sebata hape! Tsamaiso ea lefatše, bolumeli bo hlophisitsoeng, bo hlahisitse tsamaiso ho tlisa letšoao la sebata.

¹⁵⁸ 'Me le e bona ka ho hlaka joaloka ha ke e bona, hantle hona joale e tla qobelloa, hore, tsohle tse seng kahar'a ntho eo seng e laotsoe ka taolo, mochinihali o lutseng mono; lihlomo tsa mochini li teng mono li emetse Satane ho kena ho tsona, ka sefutho. Le a bona? 'Me, ha e etsa joalo, ha ho motho ea ka

bolelang Evangeli, ha ho motho, haese setho sa tsamaiso ena. Letšoao la sebata ke leo. 'Me hopolang, mehleng eo, Monyaluoa o falletse, ka baka leo lea bona na e atametse hakae. Ho lokile, ka hona le bona moo re leng teng.

¹⁵⁹ Le ka bona eng: ho putlama hona hoa ho tonana, lintho tsena tseo ba ntseng ba li ntšetsa pele. "Oh, tsohang, lona bahalaleli ba Morena, le otsehang ke'ng athe bofelo bo haufi?" Hobane'ng le etsa joalo? Nako tse ling u nyelisa ka sebe letsatsi la hau la mohau. Le se etse joalo le ka mohla. E, monghali.

¹⁶⁰ Joale, tsamaiso ena e ke ke ea tliša khotso ea lefatše. Efela haeba e tliša khotso ea lefatše, ho etsahetseng ka Khosana ea Khotso eena e beng e le Lentsoe? E antikreste thutong ea eona. E khahlano hantle le seo Molimo o neng o se emetse, seo O re boleletseng sona. "Mehlolo e tliša tsamaea le ba lumelang ke eona ena," ba lumela hoo e le bosaoana. Liketso 2:38 ke ntho e 'ngoe, ho bona, ha ba tsebe letho ka eona. Lentsoe lohle, le joalo-joalo, ha ba tsebe letho ka Hoo, 'me ba Le latola. E phethahatsa hantle seo moporofeta a se buileng ho Timothea oa Bobeli, khaolong ea 3, "Ba hlooho-thata, ba baikhohomosi, ba nang le sebopoho sa borapeli, 'me ba tliša latola Matla a jona, matsatsing a qetelo."

¹⁶¹ Tsamaiso eo ea mekhatlo ke letšoao la sebata. Le tsebile. Haeba u eso nkutloe ke e bua pele, ke ka lebaka leo esale ke e harinya hakana. Hobane joale ke nahana nako e batla e felile, ka hona nka mpa ka e horometsa le ho bolela 'Nete ka eona. Tšali ke eo moo e leng teng. Hoo ke ho tšoauoa ha sebata, hantle feela. Roma e ne e le sebata, 'me e ne e le bolumeli bo hlophiloeng, mokhatlo oa pele.

¹⁶² 'Me re tsoile ho eena, rona batho ba Pentekosta, ho se be le kabelo ho eona; le ho khutlela morao, "joaloka ntja mahlotseng a eona, le kolobe seretseng sa eona," hantle morao ka hare. Ha ho makatse ho felile ka tsamaiso ea rona ea Pentekosta, 'me ho joalo le ka ea Methodise, ea Baptise, World Council of Churches, le tsohle! Ba ntse ba metsoa ke Lekhotla la Likereke, ba bopa letšoao kapa—kapa setšoantšo sa sebata, ho se fa matla a sona. "Me se ne se le leqeba le se bolaeng hloohong, sa nto phela," Roma ea bohetene ho ea ho Roma ea mopapa. Oh, khili, Maprotestanta a fofetse hakakang! 'Me ke lona bana, hona joale le lutse mahareng a eona hantle. 'Me u ke ke oa etsa letho joale. Tsamaiso e se e bopiloe. Ba tliša e amohela athe ha ba tsebe hore ba e amohetse. Ba tliša ka mono feela, ke phetho. Ha ba khone ho tsoa ho eona. E se e entsoe.

¹⁶³ Hase ntho e hosele ho batho, le hona. E reriloe khafetsa. Hopolang, Molimo o e paketse, o e netefalitse ka Lentsoe la Hae. Lintho tseo A boleletseng A tliša li etsa, O li entse hantle feela. Kahoo, ha ho boitatolo. Ee.

¹⁶⁴ Ke lihlobo tsa bohata. E hlahisitse lintho hantle feela seo Jesu a se entseng, "Lona ka meetlo ea lona le entse Lentsoe la

Molimo lefeela.” Ka ho latola Lentsoe leo la 'nete, ba khutletse nthong eona eo hape, lithuto tsa bona le ntho e tsoanang le eo ba neng ba le eona qalong, 'me, ke hore khahlano le Kreste, ho ruta Lentsoe ho balumeli ba mogoaha ona le ho ba bolella ho—ho hanela le ho latola.

¹⁶⁵ Mohla Molimo o neng o etsa Lentsoe la Oona nama har'a batho ba Oona, mogoaheng oa Jesu Kreste, Kresemose ea pele, likhato tsa Bafarisi le mekhatlo eo eohle ea malumeli e entse'ng? Ha thoe, “Le se ke la etela le e 'ngoe ea likopano tseo. Ha le ka etsa joalo, le tla khaola ha le ka e etsa.”

¹⁶⁶ Na ha le bone kamoo lintho li iphetang hape? “Monna enoa ke mang? O tsoa sekolong sefe? O tsoere karete ea bolekanane bofe? O imatanya le sehlopha sefe? Monna enoa o tsoa kae?” Joalo, O tllile kajeno se sa A entse mohlang oo. “Re ke ke ra lumella Monna enoa ho re busa. Re ke ke ra bolelloa ke motho ho etsa'ng. Re Oneness. Re Threeness. Re Mapresbeteriene. Re *sena*. Ha rea tlameha ho E mamella!”

¹⁶⁷ Ke le tseba le sa etse joalo, empa le tla nka Lentsoe kapa le timele! Ke phetho. Ha tsela e 'ngoe haese Eo, empa Ke sona se re re kopanyang 'moho. 'Muso oa Molimo hase 'muso oa sena, ha se 'ona, 'Muso oa Molimo hase tsamaiso ea lefatše lena. Jesu o boletse joalo. Jesu o itse, “'Muso oa Ka hase oa lefatše lena. Holane ho le joalo, manqosa a Ka a ne a tla loana.” Eena ke Lentsoe.

¹⁶⁸ Re tsoana le Abrahamama. Abrahamama o amohetse Lentsoe. 'Me ntho efe feela e neng e le khahlano le Lentsoe, a e bitsa eka hoja e ne e le sieo. 'Me ngoana ofe ea tsoetsoeng ka 'nete oa Molimo o amohela Lentsoe la Molimo, 'me, ha ke tsotelle seo motho a se buang, ke tsamaiso efe e buang khahlano le Lentsoe leo, Lentsoe ke 'nete, leha ho le joalo.

¹⁶⁹ Molimo o tlamehile ho kopanela le uena motheong oa litšepiso tseo. Kantle ho litšepiso tseo, A ke ke a kopanela le uena, hobane u se u ikhaotse ho Eena. Ke ka lebaka leo lefatše la rona le kamohang. Ha re koala, re ka bua sena.

¹⁷⁰ Ntho efe e khahlano le Lona, ekare e ne e le sieo. Tsamaiso e tjena e entsoeng ke motho, ha re shebe seo le ka mohla. Che, monghali. Ka ho kolobeletsoa 'Musong ona, joale re lutse libakeng tsa Leholimo ka ho Kreste Jesu, oh, khili, le Morena oa rona ea tlotsitsoeng; ho keteka 'Musong oa Hae, Lentsoe le tšepisitsoeng le tlotsitsoeng le ho netefatsoa hantle har'a rona. Amen. Whew! Ke eo, tšepiso ea Hae ea 'Muso e entsoe hantle ka pel'a rona, ha ho letho le ka u suthisang ho Eona. Che, monghali.

¹⁷¹ Abrahamama, leha mosali oa hae a se a tsofetse, le eena a tsofetse ka linako tsohle, ha e a mo khathatsa le hanyenyane. Ha A ka a sisinyeha tšepisong ea Molimo, ka ho se lumele. Ho sa tsotellehe u bua hakae ho re, “Ha e khonehe. A ke ke a phomella ka eona,” a E tiisetse, leha ho le joalo. Hobaneng? Morena o ne a

e-na le eena, a 'montša lipono a 'montša se neng se tla etsahala, 'me ea etsahala joalokaha A boletse, 'me a tseba hore e ne e le Molimo.

¹⁷² 'Me ha Molimo o etsa tšepiso 'me u e bona, 'me A e bolela 'me e etsahala, le ho e bolela 'me e etsahala, le ho bolela, e a etsahala, 'me e sa hlolehe, ke Molimo oa letsatsi leo. Oh, ho keteka litšepisong tsena tsa Leholimo tsa Lentsoe la Hae la pallo ea mongoaha ona, oh, ka ho tseba, ka tiisetso e tiileng ea tumelo, hore ho tla maholimo a macha le lefatše le lecha. Amen. "Leholimo le lecha le lefatše le lecha, hobane leholimo lena la pele le lefatše la pele li tla feta." Empa leholimong lena le lecha le lefatše le lecha, Pauluse o boletse mona Bukeng ea Baheberu, mashome a mabeli- . . . 14:25, a re, "Hobane re amohela 'Muso o ke keng oa sisinyeha." Re kene joang ho 'ona? Ha se ka tsamaiso ea bolumeli; empa, 'Muso oa Molimo o ka hare ho lona. 'Muso! Morena le Lentsoe la Hae ba a tšoana, 'me Le ka ho lona, le netefatsa hora eo re phelang ho eona joale. Tšepiso eo Molimo a e entseng ea mongoaha ona, ke rona bana, ho phela le Khosi, ho lula libakeng tsa Leholimo, ho Mo shebela A etsa lintho tsena.

¹⁷³ 'Me re ka fapoha Lentsoe leo joang, ho ea tsamaisong e itseng? E etsa'ng? E latola Lentsoe. U lokela ho amohela ho hana 'Nete, pele u ka nka phoso. Hoo ho nepahetse hantle. Na le lumela seo? [Phutheho e re, "Amen."—Mohl.]

¹⁷⁴ Hora eo re phelang ho eona, oho Molimo, lefatše le a putlama! Ho leketlile ka har'a meaho ea lifofane, libomo, mono ho leketlile ntho e lokelang ho sebetsa hantle feela.

¹⁷⁵ Kereke e lokile. E tiiselitsoe ka hare, e loketse ho tla. Ho tla fihla tšoloho e kholo ea Moea, e, monghali, ho phamola Kereke eo le ho E nkela lipakapakeng. Hantle feela. Hobane, le a bona, Kereke, Lentsoe, Monyaluoa . . . 'Me, Kreste, tšebeletso ea Hae e ka ho Monyaluoa oa Hae, e leng 'Mele oa Hae, 'Mele oa leholimo, kapa ke re, e—e 'Mele oa Hae o mohlolo mona holim'a 'mele oa moea mona lefatšeng, moea oa Hae o teng ka mono o phela Bophelo ba Hae hantle, ho fihlela Eena le Kereke ba eba bang lenyalong. Le a bona, ba eba bang. O a ba nka, ba seng bakae feela matsatsing a ho qetela.

¹⁷⁶ 'Me eaba baroetsana bao bohle ba robetseng, ho theosa le mongoaha, ba tsoha bohle, le a bona. Joale, ke nakong ea tebelo ea bosupa, mongoaha oa kereke ea bosupa, oa ho qetela, nako ea ho qetela, Laodisea, qetellong, mohla sehlotšoana feela sa bona se keneng. Empa, se hlahisa tsoho eohle ea bohle ba shoeleng mengoaheng ea bona, ba phelang nqa Lentsoe leo le khethiloeng ke Molimo le le reriloeng ho etsahala letsatsing leo, ha re ntse re haola le mengoaha eo ea kereke 'me re bone hantle Lentsoe le tla kopana le bona nakong eo; kamoo Luther a hlahileng, kamoo re fumaneng kateng, mengoaheng oa Luthere, ho tsoile sebata se kang sefahleho sa motho, 'me sa tloha, e leng a "mohlabolli," e

bolelang *motho*. 'Me, mohlha, mengoaha eohle, o mong le o mong o phethile hantle feela litlhoko tsa Lentsoe la Molimo.

177 'Me le mogoaha ona o tla phethisa hantle pontšo le mohlolo le ntho eo Molimo o tšepisitseng ho e etsa matsatsing ana a qetelo. 'Me Kereke ka Seqo e tla be e itokisitse 'me e tla kena Hloibilong le Jesu, hobane, "Re amohela 'Muso o ke keng oa sisinngoa. O ke ke oa sisinngoa. Maholimo le lefatše li tla feta, empa 'Muso ona o ke ke oa feta." Amen. Ke thabetse ho ba moo, bosiuung bona, amen, bosiuung bona, 'Musong oo. Na ha le thabele ho ba ka ho Ona? [Phutheho e re, "Amen."—Mohl.] Oh, khili, ho ba 'Musong, Hoo!

178 Nahanang feela, u ka itšepisa eng kajeno? Lemong tse ling tse leshome ho isa ho tse leshome le metso e mehlano, ha lefatše le ka ema, ha le ka mamella seo, motho e mong le e mong Shreveport, mosali e mong le e mong, u tla lokela ho jara sethunya, seterateng, le uena, ka khatsing ea hau, ho itšireletsa. Litlokotsebe! Ebe le tla e thibela joang? E lekeng. Hantle, ntho eohle. . .

179 Ke ne ke le New York, veke e 'ngoe. 'Me ka theosa le mono, limaele, ho se letho haese litlokotsebe tse na tsa bacha tse suntseng masale tsebeng, le meriri e hlenhlaneng, ba tenne thaete, 'me banana ka libikini-nyana, ba e bitsa joalo, kantle seterateng. 'Me sechaba se tlameha ho ba suthela tokelo ea tsela. Oh, molato ke'ng ka naha ee? Ke hobane ke e—e pontšo ea sechaba se pherehlaneng maitšoaro, se lahlilueng ke Molimo. Ke phetho.

180 U ka haha joang holim'a mosili oa lithako tse kang tseo? U tla e etsa joang, athe litlokotsebe li liila seterateng le ho thunya eena Mopresidente hantle a tsoa kololing ea hae?

181 'Me bosiuung bo bong, monna ntlu e pel'a tsela, ea lohileng mano le ntho e 'ngoe le e 'ngoe, o ile a tlola hantle a eta sepolesa sa Texas pele mono ho eme ba ka fetang lekholo le ho hong, a kena hantle; 'me e mong le e mong a mo shebile, a hotolla sethunya a thunya monna polao e sehloho, 'me a tsoa. O tla itlaleha "bohlanya," 'me a lokolloe.

182 Hantle motseng oa rona, ho kene monna hantle karacheng, tsatsi le leng, ka lequloana le itseng, me a koetela e—e—e monna eena e le e—e morekisi oa makoloi. O ne a sa mo rate, a ntša sethunya a mo thunya, hane kapa ha hlano. 'Me a itlaleha a hlanya; ba mo lokolla. Haeba a tlalehoa "bohlanya" monna eo, joale Oswald le eena o ne a e-na le monyetla, o tlamehile a be a filoe monyetla ho ipiletsa bohlanya.

183 Koana, ke'ng le hona? Na le bona moo e leng teng, ntho eo eohle ke hlabahali ea bobolu! Ntho eohle e molato, 'me lefatše lohle le eme le le molato, 'me kereke e eme e le molato pel'a Molimo. Amen. Ha ho makatse ha re qhanqhana re pshatleha!

Ha re rapeleng.

184 Morena Molimo, ke rona bana. Hora e fihlile, Ntate. E ka ba morao ho feta kamoo re nahanang. Mohlomong bobolu bo kekile hakana bo kene, 'me esale marutle a e-ja, le seongoane, Bophelo bohle bo se be felile. Kea U rapela, Morena, ho hauhela. Aba sena, Morena, ha monna kapa mosali a le teng, moshanyana kapa ngoanana, ka pel'a Sefahleho joale, ea sa U tsebeng, ba tle ba U amohele hona joale, Ntate. E ka ba lebitso la ho qetela le tla kena Bukeng, ho tsoa Shreveport.

185 'Me re sa inamisitse lihlooho tsa rona. Na motho eo o teng mona ea ka phahamisang letsoho la hae, ho re, "Moena Branham, ke khotsoe ruri hoba seo u se buileng se nepahetse. Lefatše lea putlama, 'me re amohela 'Muso o ke keng oa putlama. 'Me, ha e le 'na, ha kea kholiseha haeba ke le ka 'Musong oo, kapa che."

186 U se ke ua itšetleha ka haeba u arubelitsoe ke tšisimoho ea maikutlo a mofuta. U se ke oa itšetleha holima haeba u buile ka lipuo. Ke lumela lintho tseo. Ehlile, ke lumela ho bua ka lipuo. Empa ke utloile matemona a bua lipuo 'me a li koaholla, ho ngola ka lipuo tse sa tsejoeng, baloi, le a bona. U ke ke oa tsamaea ka ntho eo.

187 Empa haeba Bophelo ba Jesu Krete bo le ka ho uena, Bo tla iphela, ho lumela Lentsoe le leng le le leng la Molimo. Hobane, A ke ke a Itatola, Ke Lentsoe.

188 Joale, haeba E le Lentsoe, 'me A le ka ho uena, 'me joale u re, "Be, Moena Branham, Ke a u bolella, nke ke ka khona feela ho amohela Hoo. Ha ke lumele Sena, hore lintho tsena li baletsoe letsatsi lena," 'me ke ena E tšepisitsoe letsatsi lena, oh, moena oa ka, u thetsitsoe. Moea oa mofuta o theohetse holim'a hau 'me u thetsitse.

189 Leleiti, haeba uena, kapa monna, kapa u ka bang mang, haeba lintho tseo tse tiileng hakaale, li tiile hakaale ka Lentsoeng, tseo Jesu Krete a li shoetseng; e seng feela ho fumana kereke kapa ho fumana sekhakhatha se atetsoeng ke maikutlo, empa ho fumana sehlopha se ruileng Moea oa Hae, se phelang ka ho Eena; Monyaluoa oa Hae, Lentsoe la Hae le teng ka mono, Lentsoe le leng le le leng ke 'nete. 'Me u a tseba hore ha Le sebetse ka uena ka mokhoa oo, u a tseba lintho li teng, ka Bibeleng, ha u li lumela li le joalo; 'me u batla ho hopoloa thapelong? Joale leihlo ka leng le koetsoe, hlooho ka 'ngoe e inamisitsoe, kea ipotsa, haeba horeng ena e morao hakana . . .

190 Mohlomong nako ea maikutlo e fetile, le a bona, hoba ho tla fihla nako e kang eo mohla Moea oa Molimo o tlang ho tlosoa lefatšeng, ho tla be ho felile. Kereke e tla lula nakoana, ke hantle, e ntse e rera, hoba e tlameha ho rerela ba lahlehileng ka Bosafeleng, mokana tšebeletso ka 'ngoe e entse, ho theoha joalo le mongoaha. Karolo ea ho qetela ea tšebeletso e 'ngoe le e 'ngoe e reretse ba lahlehileng ka Bosafeleng. 'Me ho tla fihla bosebeletsi

joale bo tla rerela ba lahlehileng ka Bosafeleng hoba ba hane ho Bo amohela.

¹⁹¹ Empa ha eka hlase e sa le teng pelong ea hau, u rata ho fumana le Kreste ka ho uena, 'me lefatše lohle le shoele, na u ka phahamisa letsoho la hau, ho re, "Nkhopole thapelong, Moena Branham." Morena a u hlohonolofatse. E, e, matsoho a leshome kapa a leshome le metso e mehlano. Na ho ka ba le e mong pele re rapela? Joale re itokisetsa ho koala, metsotsong e ka bang 'meli kapa e meraro. Molimo a u hlohonolofatse, mofumahatsana.

¹⁹² Nahana ka eona feela, nahana, nahanang ka eona, ho ka thoeng haekaba ke morao haholo? Ho thoe'ng haeba u le motho oa ho qetela eo A tla kokota monyako le ka mohla?

¹⁹³ Le ntse le putlama, re tseba seo. Le ke ke la lula mona, ke ntho e le 'ngoe e tiileng. U ke ke ua sala mona. U a tsamaea. E tsoaee feela, u a tsamaea. 'Me haeba u. . .

¹⁹⁴ U se ke oa fulueha feela. Se re, "Ke kena kereke." U be le bonnete ba Hoo. Ha Kreste a sa phele ka ho uena, ka ho uena, ho fihlela u le. . . kelello eohle ea hau, pelo, moea, 'mele.

¹⁹⁵ Uena, u re, "Be, ke nahana. . ." Ha ho mohopolo o tlang ho u fihlela, moena. A mohopolo o neng o le ho Kreste o be ka ho uena! "Ke nahana hore matsatsi ha a lokela ho ba. . . Ke nahana hore *sena* ha sea lokela ho ba joalo. Ke nahana hore Lentsoe ha le bolele *sena*." Ha re na mohopolo o tlang.

¹⁹⁶ Ekare ha mohopolo oa Kreste o le ka ho rona, re tla eelloa Lentsoe leo e le 'Nete, 'me Le phela hantle ka rona. U ke ke oa e thusa ka letho, Ke Kreste!

¹⁹⁷ Ntša bophelo semeleng sa lehapu u bo kenye semeleng sa mokopu, se tla bea mahapu. U ke ke oa bo thibela ho eona, hoba bophelo bo ka ho lona.

¹⁹⁸ 'Me ha—'me ha u re, "Be, ha ke lumele Hono, e—e Lentsoe mona," e tla ba oa ha se Moea oa Kreste. Le a bona, moea o mong o ahile ka ho uena.

¹⁹⁹ Na e mong o teng pele re rapela? Molimo a u hlohonolofatse. Molimo a u hlohonolofatse, le uena, uena. E, ho lokile. Joale, motho e mong, motsotsoana feela joale. Molimo a u hlohonolofatse, mothaka e mocha. Uena, mofumahali e monyenyanane. Uena, khaitseli. Molimo a u hlohonolofatse, le uena. Ho lokile, na mong o teng? Molimo a u hlohonolofatse, morao mono.

²⁰⁰ U se ke ua tšoha hona joale. U se ke ua hlajoa ke lihlong hona joale. Hosane bosiu e ka ba morao haholo. Le a bona? Bosiu bona pelo e ka khaotsa ho otl. E ka ba bosiu bona u E hanetse, khetlo la hau la ho qetela.

²⁰¹ Ba bakae ka mona ba se nang kolobetso ea Moea o Halalelang, phahamisang matsoho a lona, u a tseba hore—hore ha u na Eona? Khele! Ke tsela eo u kenang ka eona. Moea o

Halalelang ke Kreste. Ke ka moo u tiisetsoang 'Musong, Baefese 4:30, "Le se ke la soabisa Moea o Halalelang oa Molimo, oo le tšoauoeng ka 'ona ho isa letsatsing la topollo ea lona." 'Me haeba u—'me haeba u na le mehopollo ea Bibe le ena, hore ha Se 'nete, joale moea u ka ho uena ha se Kreste, hoba Kreste ke Lentsoe.

²⁰² 'Muso o teng o ke keng oa sisinyeha, leo ke Lentsoe. Ke 'Muso oo o ke keng oa sisinyeha. "Maholimo le lefatše li tla feta, empa Lentsoe la Ka le ke ke la feta." Ha Lentsoe le le ka ho uena! "Ha le lula ho 'Na, le Lentsoe la Ka ho lona; kopang seo le se batlang, le tla se etsetsoa. Mesebetsi eo Ke e etsang," Šanta Johanne 12, 14, "mesebetsi eo Ke e etsang, le tla e etsa le lona; le e fetang ena, hobane Ke ea ho Ntate. Ho se ho se hokae, 'me lefatše ha le sa tla Mpona; empa lona le tla Mpona, hoba Ke tla ba le lona, le ka ho lona, ho isa bofelong ba lefatše."

²⁰³ Shebang seo mesebetsi ea Hae e neng e le sona, le bone haeba e khutletse ho rona matsatsing a qetelo. Na ba E latotse? Lefatšeng ka bophara! 'Me lefatše le boela le putlama, Keresemose ena, joaloka le entse ka Keresemose eo.

²⁰⁴ Ntata rona ea Leholimong, ho phahame matsoho a mangata a mona bosiueng bona, a ka ba mashome a mararo kapa mashome a mane, sehlotšoaneng sena sa batho, a phahame bosiueng bona, ba tsebileng hoba ba ne ba se moo ba loketseng. Ba tsebile hore ha U a aha ho bona, ka Tekanyo. Ba bang, mohlomong ho hong ka Bibeleng, ba re, "Ke mpa feela . . . Ke—ke—ke Le amohela hobane ke—ke feela hore mohlomong ke tlamehile."

²⁰⁵ Empa, Morena, U tšepisitse hore U tla ba Lentsoe, 'me U Lentsoe. "Me Ke tla tla ho lona, le ho Itsebisa ho lona." Re fumana hore litsamaiso tsa Hau, tsamaiso ea Hau, ha e fetohle le ka mohla.

²⁰⁶ Ha U kena Testamenteng ea Khale, U itse, "Lentsoe le tlile ho baporofeta." 'Me eitse ha Le entse joalo, ba porofetile 'me La etsahala, hoba E ne e le Molimo.

²⁰⁷ Joale re a eelloa hobane ha U re roma, le ho re romela lefatšeng lohle le ho etsa barutuo, 'me U itse, "Mohla Moea o Halalelang o theohelang holim'a lona, O tla le hopotsa litaba tse na tseo Ke le rutileng tsona." Ho joalo, hape! "Le ho le bontša tse tlang ho tla." Ho sa le joalo! "Molimo, mehleng ea khale le ka mekhoha e mengata, o buile le bontata rona ka baporofeta; matsatsing ana a ho qetela ka Mora oa Hae, Krete Jesu." Moea o Halalelang ka Seqo, o tlang, Mosenoli oa Lentsoe le ngoliloeng, le Pula ea lintho tse tlang ho tla! E itse, "Lentsoe la Molimo," ho Baheberu 4, "le bohale ho feta sabole e leolitsoeng ka nqa tse peli, Mohlamoli oa mehopollo e ka pelong."

²⁰⁸ 'Me monna oa moetsalibe le oa kereke, kajeno, a ka lula 'me a U bona o etsa ntho e tšoanang, 'me a E bitsa moea o *mobe*, joaloka ha ba entse matsatsing a fetileng. "Ekareha ba bitsa Mong'a ntlu 'Belsebule,'" 'me re a e bona.

209 Morena, Molimo, re ka hlola re etsa'ng? Lipelo tse lapileng li teng mona tse phahamisitseng matsoho a tsona. Li nke hona joale, Morena, tlatsa pelo e 'ngoe le e 'ngoe ka lerato la Hau. Aba sena.

210 'Me re sa inamisitse lihlooho tsa rona. Haeba lona ba phahamisitseng matsoho a lona le rata ho teela kalana mona hare, le se—le se ke la e qhela, le a bona. Motsotsong ona o latelang feela joale, emang hantle feela, kapele, le tle koano, emang feela. Bona ekaba bosiu boo u amohelang Moea o Halalelang.

211 Metsoalle, bonang, sena se ke ke sa tsoella nako eohle. Eona, e tla fela. E a fela hona joale, 'me ekaba e se e felile. Empa ha feela u ntse u leka ho lakatsa ho filha ho Kreste, ruri ntho e 'ngoe e teng mono, le joale, e u hulelang nqa eo.

212 Na u ke ke ua tla joale le ho ema hantle mona bakeng sa thapelo? Lona ba lakatsang joalo, le ka nyoloha hantle la potapota aletare, nakoana feela, re sa inamisitse lihlooho tsa rona. Joale batho ba nyoloha hantle. Ke hantle, nyolohang hantle le pota-pote aletare. Ho re, “Lefatše lea putlama, ha ke batle lefatše ka ho 'na. Ke batla ka ho 'na, 'Muso o ke keng oa putlama.”

213 Jesu o itse, “Ha ho letho le tla lahleha. Ke tla le tsosa hape matsatsing a ho qetela. E, ke tla le tsosa.” O tšepisitse, kahoo u ke ke oa putlama. Molimo o tla le tsosa. Ha ke tsotelle seo e leng sona, O tla e tsosa.

214 Na le tsebile ha ho letho le ka timeletsoang ke motho? Ha ho letho le ka timeletsoang. U re, “Ho ka thoe'ng ka mollo, ha o chesa ntho e itseng lore?” Ha o e timeletse. Ka mono ke liathomo feela qhaqhang lik'hemik'hale tseo, 'me ho tsona u fumana lebatama. E khutlela hantle feela tšibotsing ea eona ea pele, kamoo e neng e le kateng qalong; liasiti, ligase, maseli, le joalo-joalo, kamoo li neng li le kateng. U ke ke ua timeletsa letho. Hola—hola lefatše le ka ema halelele ho lekana, e ka boela ea khutla e-ba sekhechana se seng sa pampiri, kapa sefate se seng, kapa eo u e chesang. Le a bona, u ke ke oa timeletsa. Molimo o e entse joalo.

215 Oh, u ke ke ua timeletsa pōpo ea Molimo, ke hantle feela, ka baka leo hakakang A ka tsosa seo A se tšepisitseng!

216 Na le ke ke la tla? Na ba bang hape ba ka ba teng joale? Ho na le sehlotšoana mona, hase etse le halofo ea ba phahamisitseng matsoho a bona. Ke itse le ne le hlile le tiile ha le phahamisa matsoho a lona, haholo holim'a Molaetsa o kang oo.

217 Ba bakae ba lona ka mona, joale ka lihlooho tsa lona tse inamisitsoeng, ba tsebang sena, hore le bone Molimo o boloka tšepiso ea Oona, hantle mona sefaleng sena, 'me oa tseba liphiri tsa pelo? Hang, ha ho mohla A kileng a bua letho haese se etsahetseng. Lea tseba hoo ke 'nete. Likopanong, hohle, hantle

feela seo Jesu Kreste a se entseng mehlang ea Hae lefatšeng mona, O e entsa hape. Le tseba seo. Le lemoha seo. Ke ne ke nahanne ka pholiso ea Hae.

218 Vekeng tse peli tse fetileng, pele ke ea New York, mofumahali o kene ka mofetše 'metsong. Moea o Halalelang o buile le eena, ka kopanong. Ke enoa moo a neng a le teng, Sontaha, a phuthetse sesuma sa mofetše ka lesela, a ile a hohlola a o tšoela. Lingaka tsa o sheba, tsa re, "Bophelo bo tsoile mofetšeng, 'me bo hlephile." 'Me a hohlola a o tšoela.

219 E mong mofetše o metse litšoeleseng tsa bosali. 'Me a o tšoere hantle mono, ka setšoantšo se holisitsoeng, setatemente sa ngaka se e pakela. A ile a o fetisa, matsatsi a mabeli hamorao.

220 Mothoana ea emeng mono, a lahlehetsoe ke kelello, ho tloha—e se e le likhoeli le likhoeli le likhoeli. A ile a oa 'me a lemala ka mora hlooho. A bile a sa tsebe hoba e ne e le mang kapa hore o ne a le hokae. Ka lentsoe la thapelo feela, 'me ba 'meha matsoho, Ka re, "Lebitso la hau u mang?"

A re, "Billy Dukes."

Ka re, "U lilemo li kae?"

re, "Lilemo tse robong." Ho re, "Ke hokae?"

221 Matla a Molimo! Ekare le ka be bile le 'na Colorado, liveke tse 'maloa tse fetileng, mohla ho etsahetseng ntho e ka le khohlopang, ho tseba seo e neng e le sona. Re nakong ea bofelo, motsoalle.

Le se ke, le se hlole le e lebalisa hape. Tloong. Haeba e mong a le teng mona, nyoloha. Na u ka etsa? U ka tla?

222 Joale, haeba u sa tle, u a bona, ke—nke ke, ke—ke—ke—ke . . . Sohle seo nka se etsang ke ho le bolella 'Nete feela, le a bona, ebe ho ho uena. Joalo ka Nohe, o ile a kena, areka ea koaloa ka mora hae, ho se letho le etsahetseng nakoana; empa lefatše la timela kantle, 'me lefatše la tsoelapele le phela ka ho tšoana. Le a bona?

223 Pilato o ile a tsoela pele, hoba a thakhise Jesu. Ke tla rera ka seo, masiung a 'maloa, "mali matsohong a hau," ha Morena a ratile.

Hlokomelang joale, na e mong o teng, pele re koala?

224 Joale ke tla kopa basali le banna ba inehetseng ruri, ba tsebang Molimo, ho theoha le ho ema mona le ho beha batho bana matsoho. Lena e ka ba lekhetlo la ho qetela ha ba tla fumana monyetla ona le ka mohla. Ba bang ba lona batho ba inehetseng ba tsebang Molimo, nyolohang 'me le eme le batho bana. Ba tšoere likarete tse pinki, hoo e batla e le e mong le mong oa bona, ho bolelang hore, ke basele har'a lona. Kea kholoa ho nepahetse. Tloong, le ba behe matsoho. Lona litho tse ling tsa Life Tabernacle, tloong mona. Lona baena ba bang holimo mona na le batla ho tla? Tloong, ena ke hora. U se ke—na ha le rate

sena, batho? Khele! Cheseho ea rōna e hokae? E hokae ntho ea rona e etsang hore re tsoele pele? Bothata ke bofe?

Joale haeba letšoele le ka ema motsotso feela, thapelong ena.

²²⁵ Lona batho ba emeng mona, joale shebang, le se itšetlehe ka maikutlo a mofuta, leha koana e tšoare maikutlo ho Eona. Le se ke la itšetleha holim'a haeba u tla bua ka lipuo, kapa che. U se ke nahane letho ka eona. Molimo o tla hlokomela seo, le a bona. U kope hore Jesu Kreste ho tla bophelong ba hau le ho phela ka sebele ka uena. Ha u batle mehopolo e meng ea hau. U batla mehopolo ea Hae. "A mohopolo o neng o le ho Kreste o be ho lona." Oh, sena ke . . .

²²⁶ Sena, be, le tla utloa lintho tsena feela lekhetlo la ho qetela, hang. Joale shebang, ke batla hore letšoele lohle le eme ka maoto, kantle mono. Joale, lona batho ba ratehang ba nyolohelang mona bakeng sa kolobetso ea Moea o Halalelang, hosane ke letsatsi la Teboho, ha ho sebetsoe hosane. Ona ke moea oa hau, moena, khaitseli. Ana ke mafello a hau a Bosafeleng. Sena, ke joale kapa khale. 'Me ha feela u utloa khulonyana e le 'ngoe eo! 'Me nahana feela ka Linnete tsena, li robetse ka pel'a rona hantle. Le se ke la shoa nqa lintho tseo, lona batho. Ke 'nete. E pakiloe, ke 'nete, e phethahetse nako le nako. 'Me ke Lentsoe, le tiisitsoeng!

²²⁷ Ke shebile monna ea emeng hona mona. Lebitso la hae le a nkhaaka. Ke lumela e le Blair, Reverende Blair. Mohla ke neng ke le koana Hot Springs, nakoana e fetileng, ka qhautsa kantle har'a letšoele, monna eo ea lutseng mono, 'me moea o mobe o ntse o leka ho nanarela monna eo, ho etsa hore a belaele. Joale hlokomelang se etsahetseng. Ka re, "U ka tšoha u ntlhoka khetlo le lenge, u a bona." E batla e se liveke tse 'maloa ha mosali oa hae a ntetsetsa, monna o ne a e-shoa. Le a bona?

²²⁸ 'Me monna a amohela, a tseba lekhateng leo hoba liabolosi o ne a leka ho mo kholisa E ne e le maqiti a bolotsana ba mofuta kapa ho hong. "Empa ebe taba eo a ka e tseba joang?" a nahana. Ka hona a . . . Ka thapelo ra leleka bobbe ho eena.

²²⁹ 'Me veke tse 'maloa tse fetileng, le a bona, Satane o tsebile hore nako eo e a tla, mohla a tla be a rapaletse mono a ruruhile lehlakore, ke kholoa mosali oa hae a boletse, kapa ho hong, a tloketsoe ke feberu e matla, kelello ea hae e ferekane; a sa tsebe hoba ke'ng, tšoaetso ea mofuta lephakong la hae, a ruruhile mahlakore. 'Me mosali oa hae e monyenyane a mpitsa Tucson. Ka re, "Khaitseli, na u tšoare sakatuku?" Kea kholoa tšoare ntho e 'ngoe mono, sek'hafonyana kapa ho hong. Ka re, "Ke—kea se bona. Nka ntho ena u se behe holim'a Moena Blair, ka Lebitso la Morena Jesu." 'Me tona o ne a mo kopile ho tla letsa.


²³⁰ Ho ka thoeng hola Satane a atleha 'me a etsa hore a se lumele, ka ho tseba hoba ntho eo e ne e le teng? A ka be a sa ema mona bosiueng bona ka Bibehe ea hae holim'a pelo ea hae. Le a bona?

²³¹ Ke Satane ea lehang ho u etsa hore u se lumele Sena. Ke hantle. U se ke ua e mamela. Hopolang, “Jesu Krete esale eena maobane, kajeno, le kamehla.” Le a bona, lintho tsena li pakoa joalo.

²³² Joale ha rona bohle, lona mona aletareng, ha re phahamiseng matsoho a lona feela, le ho re, “Morena Jesu, nthuse hona joale,” e mong le e mong o a rapela.

²³³ Ntata rona ea Leholimong, re phuthehile mona, Oho Molimo, ke lipakeng tsa lefu le bophelo, ho batho bana ba emeng mona. Lumella Moea o Halalelang ho kena bophelong ba bona hona joale. Ho ke ho tle Matla a Molimo, a ba nyolletseng ho teela aletare ena hare, A ke a ba fihlele ka tsoho ea Krete, 'me o tla ba nea Bophelo bo Bosafeleng bo boholo boo ba bo batlang. Morena, likereke hohle lia shoa, ekare metsi a moea a tlosoa lefatšeng. 'Me e re monyetla oa batho bana o sa le teng ho kena tlas'a Seliba, aba, Morena, hore meea ea bona e omeletseng, bosiueng bona, e lapetseng e nyoretsoe Molimo, e tlatsoe ka Moea o Halalelang hona joale. Aba sena, Morena. A mehauhelo ea Hau le lereko li lule holim'a bona.

²³⁴ Joale feela—lulang feela hlooho ea lona. . . lulang le rapela, lulang le rapela feela. E mong le e mong, le a bona, tsoelang pele feela ho rapela. Kea le rapella. Ke tla etsa sohle seo nka se khonang, empa nke ke ka le fa Moea o Halalelang. Molimo u tlameha ho e etsa. Shebang, bopa Krete hantle ka pel'a hau, kelellong ea hau. Shebang kantle mono le bone haeba le bona Krete ka pel'a lona, le sa koala mahlo a lona. Ebe u tsamaea u kena hantle ka ho Eena, le ho re, “Morena Jesu, ke 'na enoa. 'Na le Uena re tla ba bang, ho tloha mona ho ea pele. Ke tla nka Lentsoe le leng le le leng leo U mpoleletseng lona bosiueng bona.” Joale lulang mono, le 'ne le lule feela, le haeba le lula bosiueng bona, hosane, letsatsi le hlahlamang, le mpe le lule ho fihlela hohle ho felile, ho rapela, ho lumela hoba Molimo u tla le tlatsoa ka kolobetso ea Moea o Halalelang.

²³⁵ Tloo koano, Don, ba etelle pele ka thapelo. Molimo a u hlohonolofatse, Don. 

63-1127 Lefatše Le Boetse Lea Kamōha
Life Tabernacle
Shreveport, Louisiana U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org